


141





文苑英華卷第二百四十一

詩九

酬和二



劉禕之一首

楊炯三首

盧照鄰三首

褚亮一首

陳子昂四首

任希古一首

李嶠五首

沈佺期一首

杜審言一首

于季子一首

宋之問三首

張說六首

蘇頲五首

張九齡七首

酬鄭沁州

劉禕之

騏閣一代良熊軒千里躡緝圖昭國典按部留宸矚匪厭



承明廬佇兼司隸局芸書暫輟載行使方臨俗節變風緒  
高秋深露華溽寒山歛輕靄霽野澄初旭已覺一作長年  
悲誰堪岐路促遙林征馬迅別館嘶驟踟雅贈響擬金索  
居睽倚玉悽斷離鴻引勞歌思足曲

和酬虢州李司法

楊炯

層齒標形勝關河壯邑居寒山抵方伯秋水面鴻臚君子  
從遊宦忘情任卷舒風霜下刀筆軒蓋擁門閭平野芸黃  
遍長洲鴻鴈初菊花宜泛酒蒲葉好裁書昔我芝蘭契悠  
然雲雨踈非君重千里誰肯惠雙魚

和鄭讐校內省眺矚思鄉懷友 前人

銅門初下辟石館始沉研遊霧千金字飛雲五色牋樓臺

橫紫氣城闕俯青田暄入瑤房裏春迴集作玉宇前霞文

埋落照風物集作澹歸煙翰墨三餘隙關山四望懸頽風

集作峯 睽酌羽流水曠鳴絃雖欣承白雪終恨隔青天

和劉長史答十九兄 前人

帝堯平百姓高祖宅三秦子弟分河岳衣冠動縉紳盛名  
恒不隕歷代幾相因街巷塗山曲門閭洛水濱五龍金作  
友一子玉為人寶劔豐城氣明珠魏國吹風颺自落落文  
質且彬彬共許刁玄亮同推周伯仁石城俯天闕鍾阜對  
江津驥足方遐駛集作騁 狼心獨未馴鼓鼙鳴九域風火集  
重圍城勢餘三版兵威乏四鄰居然混玉石直置保松筠  
耿介酌天子危言數賊臣鍾儀琴未奏蘇武節猶新受祿



寧辭死楊名不顧身精誠動天地忠義感明神怪鳥來集作

俄垂翼脩蛇竟暴鱗來朝拜集作休命述職下梁一作岷

善政馳金馬嘉聲繞玉輪三荆忽有贈四海更相親宮徵

諧鳴石光輝掩燭銀山川遙滿目零淚坐露巾友愛光天

下恩波浹後塵懦夫仰高節下俚繼陽春

和王夔秋夜有所思

盧照鄰

寂寂南軒夜悠然懷所知長河落鴈苑明月下鯨池鳳臺

有清曲此曲何人吹丹唇間玉齒妙響入雲涯窮巷秋風

葉空庭寒露枝勞歌欲有和星鬢已將垂

酬張少府柬之

前人見集本

昔余與夫子相遇漢川陰珠浦龍猶卧檀溪馬正沉價重

瑤山曲詞驚丹鳳林十年睽賞慰萬里隔招尋豪翰風期

阻荆衡雲路深鵬飛俱望昔夔屈共悲今誰謂青衣道還

歎白頭吟地接神仙礪江連雲雨岑飛泉如散玉落日似

懸金重以瑤華贈空懷舞詠心

和吳侍御被使燕然

前人

春歸龍塞北騎指鴈門垂胡笳折楊柳漢使採燕集作支

戍城聊一望花雪幾參差關山有新曲應向笛中吹

和御史韋大夫喜霽之作

褚亮

晴天渡旅鴈斜影照殘紅野淨餘煙盡山明一作開遠色同

沙平寒水落葉脆晚枝空白簡光朝幘彤騶出禁中息駕

遊蘭坂彫文折桂叢無因輕羽翮徒自仰仁風



東征答朝達相送

陳子昂見集本

平生白雲意疲薾愧為雄君王謬殊寵旌節此從戎接繩  
當繫虜單馬豈邀功孤劔將何托長謠塞上風

酌李參軍崇嗣旅館見贈

前人

昨夜銀河半星文犯天集作遙漢今朝紫氣新物色果逢真

言從天上落乃是地仙人白壁疑冤楚烏裘似入秦推藏  
多古意歷覽備艱辛樂廣雲雖覩夷吾風未春鳳歌空有  
問龍性詎能馴寶劔終應出驪珠會見玆未及馮公老何  
驚孺子貧青雲儻可致北海憶孫賓

答洛陽主人

前人

平生白雲志早愛赤松遊事親恨未立從官此中州主人

亦何

集作何發

問旅客非悠悠方謁明天子清宴奉良籌再取

連城壁三徙平津侯不然拂衣去歸從海上鷗寧隨當代  
子傾仄且沉浮

東征至淇門答宋十一參軍之問

前人

南星中大火將子涉清淇西林映集作改微月征旆空自持

碧潭去已遠瑤華折遺誰君集作若問遼陽戍搖搖集作悠悠天

際旗

和左僕射燕公春日端居述懷

任希古見初學記

豐野光三傑媯庭贊五臣綈緇歌美譽絲竹詠芳塵聖歷  
開環象昌年降甫申高門非捨築華構豈垂綸鳳邸搏霄  
翰龍池躍海麟玉擗昇黃閣金章謁紫宸禮闈通政本文



昌黎國均調風振薄俗清教叙彞倫星迴應緹管日御驚  
寅賓葉上曾槐變花發小堂春思挂東都冕言訪北山巾  
赫赫容臺上千祀耀平津

劉侍讀見和山卽十篇重申此贈 李嶠

神嶽瑤池圃仙宮玉樹林垂時警天御清暑滌宸襟梁駕  
陪玄賞溜庭掩翠岑對巖龍岫出分壑鴈一作鳳池深簷迥  
松蘿映窻高石鏡臨落泉奔澗響驚吹助徠吟野氣迷涼  
燠山花雜古今英藩盛賓侶勝境相招尋踐逕披蘭葉攀  
崖引桂陰穆生時泛醴鄒子或調琴雉鷩分場合魚鈎向  
浦沉朝遊極斜景夕宴待橫參顧已慙鉛錫叨名齒瑋簪  
暫依朱卽館還暢白雲心丘壑信多美煙霞得所欽寓言

攄宿志竊吹簡知音獎價踰琬石訓文重振金方從仁智  
所携手濯清潯

和杜學士江南初霽羈懷 前人

大江開宿雨征棹下春沅霧卷晴山出風恬晚浪收岸花  
明水樹川鳥亂沙洲羈眺傷千里勞歌動四愁

和杜五弟晴朝獨坐見贈 前人

平明坐虛館曠望幾悠哉宿霧分空盡朝光度隙來影低  
藤架密香動藥欄開未展山陽會空留池上盃

和杜學士旅次淮口阻風 前人

夕吹生寒浦清淮上暝潮迎風欲舉棹觸浪反停橈森漫  
煙波瀾參差林岸遙日沉丹氣歛天敞白雲消水鴈含蘆



葉沙鷗隱菽苗客行殊未已川路幾迢迢

和同府李祭酒休沐田居

前人

列位簪纓序隱居林野躅狗物爽全真棲貞昧均俗若人  
兼吏隱率性夷榮辱地籍朱邱基家在青山足甃彌西園  
蓋言事東臯粟築室俯澗濱開扉面巖曲庭幽引夕霧簷  
迴通晨旭迎秋谷黍黃含露園葵綠勝情狎蘭杜雅韻鏘  
金玉伊我懷丘園願心從所欲

答甯愛州書

沈佺期

書報天中赦人從海上聞九泉開白日六翮起青雲質幸  
恩先貸情孤枉未分自憐涇渭別誰與奏明君

和晉陵陸丞早春有懷

杜審言

獨有宦遊人偏驚物候新雲霞出海曙梅柳度江春淑氣  
催黃鳥晴光照綠蘋忽聞歌古調歸思已霑巾

早春答洛陽杜審言

七言

于季子

梓澤年光往復來杜霸遊人去不迴若非戴筆登麟閣定  
是吹簫伴鳳臺路傍桃李花猶嫩波上芙蓉葉未開分明  
寄與長安道莫教留滯洛陽才

酌李丹徒見贈之作

宋之問

鎮吳稱奧里試劇仰通才近邑人披霧遙聞境震雷一朝  
逢解榻累日共啣盃連騎集作轡登山盡浮舟望海迴以余  
慙拙官期子遇良媒贈曲南鳧斷征塗北鴈催更憐江上  
月還入鏡中開



使往天兵軍約與陳子昂新鄉爲期及還而不相

遇

前人

入衛期之子于嗟不少留情人去何處淇水日悠悠恒碣  
青雲斷衡漳白露秋知君心許國不是愛封侯

答李司戶

前人

遠方來下客輪軒揖使臣弄琴宜在夜傾酒貴逢春駟馬  
留孤館雙魚贈故人明朝散雲雨遙仰德爲鄰

和魏僕射還鄉

張說

富貴還鄉國光輝滿舊林秋風樹不靜君子歎何深故老  
空懸劍鄰交日散金衆芳摧落盡獨有歲寒心

以下六篇  
並見集本

酌崔光祿冬日述懷贈答

前人

徐陳嘗並作枚馬亦同時各負當朝譽俱承明主私夫君  
邁前侶觀國騁奇姿山似鳴威鳳泉如出寶龜材惟子雲  
筆學廣仲舒帷紫綬拂三寺朱門臨九達昔我含香日連  
爾縉雲司朝莠蘭省步夕退竹林期中路一分手數載來  
何遲求友還相德

一作得

群英復在茲留臺少人務方駕逝

尋追涉翫懷同賞露芳憶共持迎賓南澗飲載妓東郊嬉  
春郭綠畝秀秋澗白雲滋名畫披人物良書討滯疑興來  
光不惜歡往迹如遺歲宴罷行樂層城間所思夜蒐燈處  
厭朝髮鏡前衰忽枉崔駟什蕪流帝孟詞曲高彌寡和主  
善代爲師齊戒觀華玉留連歎色綵終慙起予者何足與  
言詩



和張監觀赦

前人

日御臨雙闕天開儼百神雷舒作解氣歲復建寅春喜候  
同新集作驛歡聲發市人金環能作賦來入管絃新

和朱使欣道峽似巫山之作

前人

江如曉天淨石似暮霞集作張征帆一流覽宛若巫山陽

楚客思歸路秦人謫異鄉猿鳴孤月夜再使淚霑裳

和朱使二首

前人

南土多遺寇西江盡畏途山行阻篁竹水宿礙一作萍蒲

使越才應有征蠻力豈無空傳人贈劍不見虎啣珠

二

江勢連山遠天涯此夜秋心霜空極天靜寒月帶江流思起

南征棹文高北望樓自憐如墜葉泛泛侶仙舟

奉和姚令公溫沮以舊館永懷故人盧公之作

蘇頲見集

樹德豈孤邁降神良竝出偉茲廊廟禎調彼鹽梅實正悅

虞垂舉翻悲鄭僑卒同心不可忘交臂何為失清路荷前

幸明時稱右弼曾聯野外迷尚記帷中密新慟情莫遣舊

遊詞更述空令屬和辰長感知音日

奉和魏僕射秋日還鄉有懷之作二首 前人

南宮夙拜罷東道晝遊初飲餞傾冠蓋傳呼問里閭樹悲

懸劍所溪想釣璜餘清發光輝至增榮駟馬車

二



怨暑時云謝愆陽澤整偏昇陳從祀日鑰動問刑年絳服  
龍雲寢玄冠馬使旋作霖期傳說爲早聽周宣河嶽陰符  
啓星辰暗檄傳浮涼吹景氣飛凍灑空煙颺颺將秋近沉  
沉與暝連分湍涇水石含穎雍州田德施超三五文雄賦  
十千及私何以樂明主敬人天

奉和同崔尚書贈大理陸卿鴻臚劉卿見示之什

前人

戲藻嘉魚樂棲椅

集作梧

高鳳飛類從皆有召聲應乃無違

羨價逢時出竒才選衆稀避堂照後政掃第

集作地

發前幾

出曳僊人履還薰侍女衣省中何赫奕庭際滿芳菲吏部  
端清鑒丞郎蕭紫機會心歌詠是八迴迹宴言非北寺鄰玄

關南城寫翠微參差交隱見髮髻接光輝賓序嘗柔德刑  
孚已霽威巨源林下契不速自同歸

和杜主簿春日有所思

前人

朝上高樓上俯見洛陽陌樵蕩吹花風落英紛已積美人  
不共此芳好空所惜攬鏡塵網滋當窻苔蘚碧緬惟一作懷  
在雲漢良願睽枕席翻似無見時如何又爲客

酌宋使君見贈

一作贈

之作

張九齡

時來不自意宿昔謬樞衡翼聖負明主妨賢愧友生罷歸  
猶石臧待罪尚南荆政有留棠舊風因繼組成高軒問疾  
苦蒸庶荷仁明衰廢時所薄祗言僚故情

以下七篇並見集本

與袁補闕尋蔡拾遺會此公出行其後蔡有五韻



詩見贈以此篇答焉

前人

轍跡陳家巷詩書孟子鄰復集作來乘興者不值草玄人

契是忘年合情非累日申聞君還薄暮見眷及茲晨贈我

如瓊玖將何報所親

答太常靳博士見贈

前人

上苑春先入中園花盡開唯餘幽逕草尚待日光催

酬王履震遊園林見貽

前人

宅生惟海縣素業守郊園中覽霸王說上邀集作明主恩

一行罷蘭逕數載歷金門既負潘生拙俄從周任言逶遲

集作戀軒陛蕭散反丘樊舊院集作稀人跡前池耗水痕

併看芳樹老惟覺弊廬存自我棲幽谷逢君翳覆盆孟軻

應有命賈誼得無冤江上行傷遠林間遇集作避喧地偏

人事絕時鸞鳥聲繁獨善心俱閉窮居道共尊樂因南澗

藻憂豈比堂萱幽意加集作投漆新詩重贈軒平生狗知

已窮達與君論

酬王六霽後書懷見示

前人

雲雨俱行罷江天已洞開炎氛霽後滅邊渚集作望中來

作驥君垂耳為魚我曝鰓更憐湘水賦還是洛陽才

酬王六寒朝見貽

前人

賈生流寓日楊子寂寥時在物多相背唯君獨見思漁為

江上曲雪作郢中詞忽枉兼金訊長懷伐木詩

武司功有幽庭春暄見贈夏首獲見以詩報焉



前人

芳月盡離居幽懷重起予雖言春事晚尚想物華初遲日  
暎方照高齋澹復虛笋成林何密花落樹應踈贈鯉情無  
間求鸞思有餘暄妍不相待含歎欲焉如

文苑英華卷第二百四十一

文苑英華卷第二百四十二

詩九十二

酬和二

宋鼎一首

王維六首

孫逖四首

孟浩然三首

杜甫四首

李白五首

盧象二首

祖詠一首

王昌齡三首

高適六首

劉長卿九首

酬故人還山

宋鼎

舉棹乘春水歸山撫歲華碧潭宵見月紅樹晚一作曉開  
花  
肅穆輕風度依微隱逕斜危亭暗松石幽澗落雲霞思鳥



吟一作鳴高樹遊魚戲淺沙安知餘興盡相望紫烟賒

和僕射晉公扈從温湯作已見一百七十一卷王維

和尹諫議史館山池已見一百六十六卷前人

酬張少府 前人

晚年一作來唯好靜萬事不關心自顧無長一作良策空知返

舊林松風吹解帶山月照彈琴君集作若問窮通理漁歌入

浦深

酬郭給事七言 前人見集本

洞門高閣靄餘暉桃李陰陰柳絮飛禁裏踈鐘官舍晚省

中啼鳥吏人稀晨搖玉珮趨金殿夕奉天書拜瓌闈強欲

發君無那一作奈老將因臥病解朝衣

和太常韋主簿河五郎温湯寓目之作

前人集

漢主離宮接露臺秦川一半夕陽開青山盡是朱旗繞碧

澗翻從玉殿來新豐樹裏行人度小苑城邊獵騎迴問道

甘泉能獻賦懸知獨有子雲才

故人張諶為一無此字詩善易卜兼能丹青草隸頃以

詩見贈聊復酬之 前人

不逐城東遊俠兒隱囊紗帽坐彈碁蜀中夫子時開卦洛

下書生解詠詩藥欄花逕衡門裏時復據梧聊隱几屏風

誤點惑孫郎團扇草書輕內史故園高枕度三春永日垂

帷絕四鄰自惜集作想蔡邕今已老更將書籍與何人



奉和李右相中書壁畫山水 孫逖

廟堂多暇日山水契中集作真情欲寫高深趣還因藻繪成

九江臨戶牖三峽迭檐楹花柳窮年發烟霞逐意生能令

萬里近不覺四時行氣染荀香馥光含樂鏡清詠歌齊出

處圖畫表冲盈自保千年遇何論八載榮李公詩云八載忝司存

奉和李右相賞會昌林亭 前人

賢相初陪蹕靈山本降神作京雄近縣開閣寵平津地勝

林亭好時清宴賞頻百泉榮草木萬井布郊畛諸却切德與

春和盛功將造化鄰還嗤渭濱叟歲晚獨垂綸

酬萬八賀九雲門寺歸溪中作 前人

晚從靈境出林壑曙雲飛稍覺清集作青溪盡廻瞻畫刹微

獨園餘興在孤棹宿心違更憶登攀處天香盈袖歸

和左衛武倉曹衛中對兩劇集作創韻贈右衛李騎

曹二人同任校書 前人

林父同官意宣尼久敬交文場刊玉篆武事掌金鏡道合

宜連茹時清豈繫匏克勤居簿領多暇屏謹說美酒懷公

譙玄談俟客嘲薄雲生北闕飛雨自西郊院暑便清曠庭

蕪覺漸苞高門關詎閉入聲逸韻柱難膠枳棘鸞無歎倚梧

鳳必巢忽聞徵並作觀海愧堂坳

和張丞相春朝對雪已見一百五十三卷孟浩然

和張明府登鹿門山 前人

忽示登高作能寬旅寓情絃歌既多暇山水思彌清草得



風先

集作光

動虹因雨後成謬成巴俚和非敢應同聲

和張二自穰縣還途中遇雪

前人

風吹沙海雪來作本團

集作團

春宛轉隨香騎輕盈伴玉人

歌疑郢中客態比洛川神今日南歸楚雙飛似入秦

奉和薛十二丈判官見贈

杜甫

忽忽峽中睡悲風方一醒西來有好鳥為我下青冥羽毛

淨白雪慘澹飛雲汀既蒙主人顧舉翮唳孤亭持以比佳

士及此慰揚舲清文動哀玉見道發新硎欲學鷓夷子待

勒燕然

集作山

銘口重斬邪劍

集作誰重斷蛇劍

致君君未聽志在

麒麟閣無心雲母屏卓氏近新寡豪家朱戶

集作門

尙相如

琴

集作木

調逸銀漢會雙星客來洗粉黛日暮拾流螢不是

無膏火勸郎勤六經老夫自汲澗野水日泠泠我歎黑頭

白君看銀印青臥病識山鬼為農知地形誰矜坐錦帳苦

厭食魚腥東南兩崖

集作岸

拆積

集作橫

水注滄溟碧色忽惆

悵風雷搜百靈空中右

集作有

白虎赤節引娉婷自云帝里

集作李

女嘒雨鳳凰翎襄王薄行迹莫學冷如水千秋一拭

淚夢覺有微馨人生相感動金石兩青熒丈夫

集作人

但安

坐休辨渭將

集作與

涇龍蛇尚格鬪灑血暗郊垆吾聞聰明

主活

集作與

國用輕刑銷兵鑄農器今古歲方寧天王

集作文

日儉德俊又始盈庭榮華貴少壯豈食楚江萍

酬韋韶州見寄

前人

養拙江湖外朝廷記憶踈深慙長者轍重得故人書白髮



絲難理集作新詩錦不如雖無南過鴈看取比來魚

答高使君見贈

前人

古寺僧牢落空房得集作寓居故人供祿米鄰舍與園蔬

雙樹容聽法三車肯載書草玄吾豈敢賦或比集作相如

奉酬李都督表文早春作

前人

力疾坐清曉來詩悲早春轉添愁伴客更覺老隨人紅入

梅集作花嫩青歸柳葉新望鄉應未已四海尚風塵

江上答崔宣城

李白

太華三芙蓉明皇玉女峯尋仙下西岳陶令忽相逢問我

將何事湍波歷幾重貂裘非季子鶴氅似王恭謬忝燕臺

召而陪郭隗蹤水流知入海雲出集作或從龍樹色曉集

蘇洲月山鵲鳴夜鐘還期如可訪台嶺蔭長松

酬中都小吏携斗酒雙魚於逆旅見贈

前人

魯酒若琥珀汶魚紫錦鱗山東豪吏有俊氣手携此物贈

遠人意氣相傾兩相顧斗酒雙魚表情素酒來我飲之鱠

作別離處雙鯉呀呷鬢鬣張跋刺銀盤欲飛去呼兒拂机

霜刀揮紅肌集作花落白雪飛為君下筯一食罷集作羞

看金鞍上集作馬歸

酬裴侍御對雨感時見贈

前人

雨色秋來寒風嚴清江爽孤高繡衣人瀟洒清霞賞平生

多感激忠義非外獎禍連成集作怨生事及徂川往楚邦



有壯士鄢郢翻掃蕩申包哭秦庭泣血將安仰鞭屍辱已  
及堂上羅宿莽頗似今之人蝨賊一作陷忠讜渺然一水  
隔何由稅歸鞅日夕聽猿愁懷賢盈夢想

酬崔十五見招

前人

爾有鳥折集作書相招琴溪飲手跡尺素中如天落雲錦  
讀罷向空笑疑君在我前長吟字不滅懷袖且三年

以詩代書答元丹丘

前人

青鳥海上來今朝發何處口銜雲錦書與我忽飛去鳥去  
凌紫烟書留綺窓前開緘方一笑乃是故人傳故人深相  
勗憶我勞心曲離居在咸陽三見秦草綠置書雙袂間引  
領不暫閑長望杳難見一作浮雲橫遠山

奉和徐侍中書叢篠詠

見二百七十五卷

盧象

奉和張使君宴列加朝散

前人

佐理星辰貴分榮渙汗深言從大夫後用答聖人心騎擁  
軒裳客鸞驚翰墨林停盃歌麥秀秉燭醉棠陰爽氣凌秋  
笛集作輕寒散暝砧祇應將四子講德謝集作知音

酬汴州李別駕見贈

祖詠

秋風多客思行旅厭艱辛自洛非才子遊梁得主人文章  
叅末議榮賤豈同論歎世同王演懷賢憶法真情由恩舊  
好契託死生親所愧能投贈清言益潤身

淇上酬薛據兼寄郭微

王昌齡

自從別京華我心乃蕭索十年守章句萬里空寥落北上



登薊門茫茫見沙漠倚劔對風塵慨然思衛霍拂衣去燕  
趙驅馬悵不樂天長滄洲路日暮邯鄲郭酒肆或淹留漁  
澤屢棲泊獨行備艱難孰辭于鼎鑊皇情念淳古時俗何  
浮薄理道須任賢安人在求瘼故交負奇才逸氣包蹇諤  
隱軫經濟策縱橫建安作才望忽先鳴風期無宿諾飄颻  
勞州縣迢遞限言譎東馳眇具丘西顧彌號略淇水徒自  
深浮雲不堪託吾謀適可用天道豈遼廓不然買山田一  
身與耕鑿

奉酬睢陽路太守見貽之作

前人

盛才膺命世高價動良時帝簡登藩翰人和發詠思神仙  
去華省駕鴛憶丹墀清淨能無事優游即賦詩江山紛想

像雲物動歲蕤逸氣劉公幹玄言向子期多慙汲引速翻

愧激昂遲相馬如何恨登龍返自疑風塵吏道迫行邁旅

心衰一作悲拙疾徒為爾窮愁欲問誰秋風一片葉朝鏡數

莖絲州縣甘無取丘園悔莫追瓊瑤生篋笥光景借茅茨

他日青霄裏一作雲猶應訪所知

留答武陵田太守

前人

仗劔行千里微軀感一言曾為大梁客不負信陵恩

答侯大少府

高適

常日好讀書晚年學垂綸漆園多喬木睢水清磷磷詔書

下柴關集作門天命敢逡巡赫赫三伏時十月到咸秦褐衣

不得見黃綬翻在身吏道頓羈束生涯難重陳北使經天



寒關山饒苦辛邊兵若芻狗戰骨成埃塵行矣勿復言歸

歟傷我神如何燕趙陞忽遇集作偶平生親開館納征騎彈

絃娛遠賓飄飄集作飄天地間一別方茲晨東道有佳作南

朝無此人性靈出萬象風骨遺常倫吾黨謝王粲群賢推

邈說明時取秀才落日過蒲津節苦名已富祿微家轉貧

相逢愧薄遊撫已荷陶釣心事正堪盡離憂寧太頻兩河

歸客集作家遙二月芳草新柳接滹沱集作馮也暗鷺連渤海春

誰謂行路難猥當希代珍提握每終日相思猶比鄰江海

有扁舟丘園有角巾君意定何適我懷知所遵沉浮各異

宜老大貴全真莫作雲霄計棲遑集作遑遑隨縉紳

連上酬集作別王秀才

前人

飄飄經遠道客思滿窮秋浩蕩對長漣君行殊未休崎嶇

山海側想像無前傳誰謂照乘珠忽然欲暗投東路方蕭

條楚歌復悲愁暮帆使人感去鳥兼離憂行矣當自愛壯

心莫悠悠予亦從此辭異鄉難久留言宴集作贈言豈終極慎

勿滯滄洲

酬裴秀才

前人

男兒貴得意何必相知早飄蕩與物華集作永蹉跎覺身老

長卿無產業季子慙妻嫂此事難重陳集作論未為衆人道

酌陸少府

前人

朝臨集作映淇水岸還望衛人邑別思集作意在山河集作阿征

途背原隰蕭蕭集作稍前村口惟見轉蓬入冰渚人去遲雪



霜集作天鴈飛急我行應不遠集作固應不遠別所興終集作與路未及  
欲濟川上舟相思空竚立

同呂員外酬田著作莫門軍西宿盤山秋夜作

前人

磧路天早秋邊城夜應永遙傳戎旅作已報關山冷上將  
頓盤反疑作坂諸君遍泉井綢繆閫外書慷慨幕中請能使  
勲業高動令氛霧屏遠途能自致短步終難騁羽翮時一  
看窮愁始三省人生感然諾何啻若形影白髮知苦心陽  
春見佳景一作境星河連塞路刁斗兼山靜憶君霜露時使  
我空引領

酬岑主簿秋夜見贈

前人

舍下蛩亂鳴居然自蕭索緬懷高秋興勿枉清夜作感物  
我心勞涼風生集作驚二毛池枯集作空菡萏死月上集作出梧  
桐高如何異鄉縣復得交才彥汨沒嗟後時蹉跎恥相見  
箕山別未久魏國誰不戀獨有江海心悠然未嘗倦

奉和杜相公新移長興宅呈元相公

劉長卿

間氣集作世生真宰同心奉至尊功高開北第機靜灌中園  
入並蟬冠影歸分騎士喧窓聞漢宮漏家識杜陵原獻替  
常焚藁優集作清閑獨樹萱花香逐荀令草色對王孫有地  
先開閣何人不掃門江湖難自退明主託元元  
酬張廈雪夜赴州訪別途中苦寒作



前人

扁舟乘興客不憚苦寒行晚暮相依分江湖別有集作欲別情  
水聲冰下咽沙路雪中平舊劍鋒鏖盡應嫌脫自集作贈輕

酌包諫議見贈集作寄之作

前人

佐郡棄頑踈殊方親里閭家貧寒未度身老歲將除過雪  
山僧至依陽野客舒藥陳隨遠宦梅發對幽居落日棲鴉  
鳥行人達鯉魚高文不可和空愧學相如

酬張廈別後道中見寄

前人

離群方歲宴謫宦在天涯暮雪同行少寒潮欲集作獨上遲

海鷗知吏傲沙鶴集作沙鳥見人衰只為憶春草西歸亦未期

酬李員外從崔錄事戴華宿三河戍先見寄

前人

寒江鳴石瀨歸客夜初分人語空山答猿聲獨戍聞遲來  
朝及暮愁去水連雲歲晚心誰在青青見此君

酬滁州李十六使君見贈李公與予俱於陽羨山

中新營別墅以其同志因有此作前人

滿鏡悲華髮空山寄此身白雲家自有黃卷業長貧懶任  
垂竿老狂因釀黍春桃花迷聖代桂樹狎幽人幢蓋方臨  
郡柴荆忝作鄰但愁千騎至石路却生塵

酬張廈人日長沙感懷見贈此公比經流窟親在上都

前人

舊俗歡猶在憐君恨獨深新年向國淚今日倚門心歲去



流湘水春生近桂林流鶯且莫弄江畔正行吟

酬皇甫侍御見寄時前相國姑臧公初臨郡

前人

離別江南北汀州葉再黃路遙雲共水砧迥月如霜歲儉

依仁政年衰憶故鄉佇君集作看宣室召漢法倚張綱

茗溪酬梁耿別後見寄已見一百六十六卷前人

文苑英華卷第二百四十二

艾苑英華卷第二百四十三 詩九十三

酬和四

包融一首 包佶三首

包何二首 李嘉祐四首

錢起一首 皇甫曾三首

張繼二首 韓翃一首

郎士元三首 皇甫冉三首

顧况九首 耿緯二首

司空曙二首 李益一首

李端一首 章八元一首

暢當二首 李夷簡一首



武元衡三首

李吉甫一首

盧綸十三首

答國子張主簿

包融

湖岸纜初解，鸞啼別離處。遙見舟中人，時時一廻顧。坐悲芳歲晚，花落青軒樹。春夢隨我心，搖揚逐君去。

奉和柳相公中書言懷

包佶

運籌時所貴，前席禮偏深。羸駕歸貧宅，欹冠出禁林。鳳巢方得地，牛喘最關心。雅望期三入，東山未可尋。以下三篇並見集本

酬兵部李侍郎晚過東廳之作

時任刑部侍郎除國子祭酒

前人

酒禮慙先祭，刑書已曠官。詔馳黃紙速，身在絳紗安。聖位

登堂靜，生徒跪席寒。庭槐暫搖落，幸為入春看。

酬于侍郎湖南見寄十四韻

前人

桂嶺千崖斷，湘水一派通。長沙今賈傅，東海舊于公。章甫經殊俗，離騷繼雅風。金閨文作字，玉匣氣成虹。翰墨時無侶，丹青夙在工。主恩留左掖，人望積南宮。巧拙循名異，浮沉顧位同。九遷歸上略，三已契愚衷。責謝庭中吏，詩選作禮悲寬塞上翁。楚材欣有適，燕石愧無功。山曉重嵐外，林春苦霧中。雪花飜海鶴，波影倒江楓。去札頻逢信，迴帆早挂空。避賢方有日，非敢愛微躬。

和程員外春日東郊卽事

包何一作

郎官休浣憐遲日，野老歡娛為有年。幾度折花驚蝶夢，數



家留葉待蚕眠藤垂委一作宛地縈珠履泉長侵階浸綠錢  
直到閉關朝謁去鶯聲不散柳含煙

和孟處州閑齋卽事

前人

古郡鄰江嶺公庭半薜蘿府寮閑不入山鳥靜偏過睥睨  
臨花柳闌干枕芰荷麥秋今已至君聽兩岐歌

奉和杜相公長興新宅卽事呈元相公

李嘉祐

意有空門樂居無甲第奢經過容法侶雕飾讓侯家隱樹  
長簷宿集作肅開園一逕斜據梧聽好鳥行藥寄名花夢蝶  
留清簟垂貂坐絳紗當山不掩戶暎日自傾茶雅望歸安  
石深知在叔牙還成吉甫頌贈答比瑤華

和都官苗員外秋夜寓直對雨

已見一百九十一卷

前人

奉酬路五郎中院長新除工部員外見簡

前人

一門同伴集作秘省萬里作長城問絹蓮花府揚旗細柳營  
詞鋒偏却敵草奏直論兵何幸新詩贈甘輸小謝名

酬皇甫十六侍御曾見寄

此公特貶舒州司馬

前人

自顧衰容累玉除忽承優詔付銅魚江頭鳥避青旄節城  
裏人迎露網車長沙地近悲才子古郡山多憶舊廬更在  
新詩思何苦離騷愁處亦無如



山中酬楊補闕見過

錢起

日暖風恬種藥時紅泉翠壁薜蘿垂幽溪塵過苔還靜深  
樹雲來鳥未知青瑱同心多逸興春山載酒遠相隨却思

身外

集作却  
慙身事

牽纓冕寧勝林

集作未  
勝杯

前倒接離

和杜相公移入長興宅呈諸宰執 皇甫曾

欲向幽偏適還從絕第移秦官鬲食貴堯世土階早戟戶  
槐陰滿書窓竹葉垂纔分五更漏遙隔萬年枝北闕深恩  
在東鄰遠夢知日斜門杳映山遠樹參差論道齊駕翼題  
詩憶鳳池從公亦何幸長與珮聲隨

酬鄭高郵秋夜見寄

前人

搖落空林夜河陽興已生欲辭公府步知結遠山情高柳

風難定寒泉月助明袁安方臥雪尺素及柴荆

酬竇拾遺秋日見呈

時此公自江  
陰令除諫官

前人

孤城永巷時相見衰柳閑門日半斜欲送近臣朝帝

一作  
魏

闕猶憐殘菊在陶家

酬李書記校書越城秋夜見贈

張繼

東越秋城夜西人白髮年寒城警刁斗孤憤抱龍泉鳳輦  
棲岐下鯨波鬪洛川量空海陵粟賜泛水衡錢投閣嗤楊  
子飛書代魯連蒼蒼不可問余亦賦思玄

酬張二十員外前國子博士竇叔向

前人

故交日零落心賞寄何人幸與馮唐遇心同跡復親語言



未終夕離別又傷春結念湓城下聞猿詩興新

酬程延秋夜即事見贈

韓翃

長簾迎風早空城澹月華星河秋一鴈砧杵夜千家節候  
看應晚心期臥正集作亦除向來吟秀句不覺已鳴鴉

和王相公題中書叢竹寄上元相公

郎士元

多時仙擁裏色並翠琅玕幽意含烟月清陰庇蕙蘭枝繁  
宜露重葉老愛天寒竟日雙鸞止孤吟為一看

酬蕭二十七侍御初秋言懷

前人

楚客秋多興江林月漸生細枝涼葉動極浦早鴻聲勝賞  
睽前夕新詩報遠情曲高慙和者惆悵閉寒城

奉和杜相公益昌路作

前人

春半梁山正落花台衡受律向天涯南去猿聲傍雙節西  
來江色遶千家風吹畫角孤城曉林暎蛾眉片月斜已見

廟謀能喻蜀新文更喜報金一作華

奉和王相公喜雪

已見一百五十四卷

皇甫冉

奉和王相公早春登徐州城

前人

落日憑危堞春風似故鄉川流通楚塞山色遶徐方壁壘  
依寒草旌旗動夕陽元戎資上策南畝富集作起耕桑

和袁郎中破賊後經剡中山水

前人

武庫分帷幄儒衣事鼓鼙兵連越徼外寇盡海門西節比  
全疎勒功當雪會稽旌旗迴剡嶺士馬濯耶集作靈溪受律



梅初發班師草未齊行看佩侯

一作金

印豈得訪丹梯

酬唐起居前後見寄二首

顧况見集本

愁人空望國驚鳥不歸林莫話彈冠事誰知結襪心霜凋  
樹吹斷土蝕劍痕深欲作懷沙賦明時恥自沉

二

何處弔靈均江邊一老人漢儀君已接楚奏我空頻直道  
其如命平生不負神自傷庚子日鵬鳥上承塵

奉酬茅山贈賜并簡茶母正字

前人

玉帝居金闕靈山幾處朝簡書猶有畏神理詎能超鶴廟  
新家近龍門舊國遙離懷結不斷玉洞集作洞浦一吹簫

酬柳相公

前人

天下如今已太平相公何事喚狂生箇中恰似籠中鶴東  
望滄洲叫數聲

酬信州劉侍郎兄

前人

劉兄本知命屈伸不介懷南州管靈山可惜曠土棲集作土乘  
樵隱同一徑竹樹薄西齋鳥陵嶂合杳月配波一作波徘徊

薄宦脩禮數長景謝譚諧願為南州民輸稅事鉏犁胡為  
立不正集作走風雨驚遭迴

奉酬劉侍郎

前人

幾迴新秋影壁滿蟾又缺鏡破似傾臺輪斜同覆轍雖分  
上林桂還照滄洲雪暫伴顛顛人歸華耿不滅

酬本部韋左司

前人



好鳥依佳樹飛雨灑高城况與二三子列坐分兩楹文雅  
此何盛林塘含餘清府君未歸朝遊子不待晴白雲帝城  
遠滄江楓葉鳴却略欲一言零淚和酒傾寸心久摧折別  
離重骨驚安得凌風集作翰肅肅集作四海輕

酬房杭州

前人

郡樓何其曠亭亭廣而深故人牧餘杭留我披曾衿滿篋  
閱新作璧玉誕清音流水入洞天宵豁欲一作凌臨關險  
延北阜薙道陟南岑朝從山寺還醒醉動笑集作吟荷花  
十餘里月色攢湖林父老惜使君却欲速華簪

酬漳州張九使君

前人

故人窮越徼狂生起悲集作愁山海萬里別草木十年秋

鞭一作

馬廣陵橋出祖張漳州促膝墮簪珥關幌憂琳球

短題自茲簡華篇詎能酬無階承明庭高步相追遊南方  
榮桂枝凌冬捨溫裘猿唼郡齋中龍靜檀欒流薜鹿莫徭  
洞網魚盧亭洲集作心安處處安處處思遐陬

酬張少尹秋日鳳翔西郊見寄 耿緯

鬲氣孕河汾英英濟舊勳劉生曾任俠張率自能文官佐  
征西府名齊將上軍秋山遙出浦野鶴暮離群遠恨邊笳  
起勞歌騎吏聞廢關人不到荒戍日空曛草木涼初變陰  
晴景半分疊蟬臨積水亂燕入過一作雲麗藻終思我衰  
髯亦為君閑吟寡和曲庭葉漸紛紛

酬田璿

前人



同遊七祖後已是十年餘幾度曾相夢何時定得書日高  
城影盡霜重柳條疎且對樽中酒千般總未如

酬李校書端見贈一作謝李端見贈

司空曙見集本

綠槐垂一作穗乳鳥飛忽憶山中獨未歸青鏡流年看髮

變白雲芳草與心違乍多一作逢酒客春朝一作遊慣久別林

僧夜坐稀昨日聞君到城闕莫將簪弁勝一作責荷衣

此詩二百五十四卷重出今已削去注異同為一作

酬張芬有赦後見贈

前人見集本

紫鳳朝銜五色書陽春忽布網羅除已將心變寒灰後豈  
料光生腐草餘建水風烟收客淚杜陵花竹夢郊居勞君  
故有詩相贈欲報瓊瑤恨不如

答許五端公馬上口號

李益

晚逐旌旗俱白首少遊京洛共緇塵不堪身外悲前事強  
向盃中覓舊春

和王元二相避暑懷杜太保

李端

艱難嘗共理海晏更相悲况復登堂處分明避暑時綠槐  
千穗綻丹一作紅藥一番遲蓬華今何幸先聞大雅詩

酬劉員外月下見寄

章八元

夜涼河漢白卷箔出南軒過月鴻爭遠辭枝葉暗翻高謔  
聞麗曲緩步接清言宣室思前席行看拜主恩

天柱隱所重答江州應物

暢當

寂寞一悵望秋風山景清此中惟草色翻意見人行荒徑



饒松子深蘿絕鳥聲陽崖全帶日寬嶂偶通耕拙昧難容  
世貧寒別有情煩君瓊玖贈幽懶百無成

山居酬韋蘇州見寄

前人

孤柴泄烟處此中山叟居親雲寧有事耽酒詎知余水定  
鶴翻去松欹峯儼如猶煩使君問更欲結深廬

西亭暇日書懷十二韻獻上相公 李夷簡

勝賞不在遠無然念玄冥一作冥搜茲亭有殊致經始富人侯

澄澹分沼沚榮迴間林丘荷香奪芳麝石溜當鳴球撫俗  
來康濟經邦去咨謀寬明洽時論惠愛聞毗謳代斲豈容  
易守城獲優悠文翁舊學校子產昔田疇琬琰當佳什池  
臺想舊遊誰言矜改作曾是日增脩憲省忝陪屬岷峨嗣

徽猷提携當有路勿使滯刀州

奉酬李十一尚書大使西亭暇日書懷見寄十二

韻之作

武元衡

鼎鉉昔云忝西南分主憂烟塵開燹道旌節護蠻陬任重  
功不立集作無立力微恩未酬據鞍慙齒髮責帥懼春秋高德

間集作聞鄭履儉居稱晏裘三刀君入夢九折我迴輶時景

屢遷易茲焉期退休方追故山事豈謂台階留遐挹清靜  
理眷言蘭社幽一緘瓊玖贈萬里別離愁巴嶺雲外沒蜀  
江天際流懷賢耿遙思相望鳳池頭

奉酬荊州嚴司空見寄

前人

金貂再領三公府玉帳連封萬戶侯簾捲青山巫峽曉烟



開碧樹渚宮秋劉琨坐嘯風清塞謝眺裁集作詩月滿樓

白雪調高歌不得美人南國集作翠蛾愁

甲午歲相國李相公有北園寄贈之作集作吟翫

歷時屢促酬答機務不暇未及卒集作章今古遽

分電波增感留墓劔於集作心許偶鄰笛而意傷

寓哀冥冥以廣遺韻云 前人

機事勞西掖幽懷寄北園鶴巢深更靜蟬噪斷猶喧仙醞

百花馥艷歌雙袖翻碧雲詩變雅皇澤葉流根未報雕龍

贈俄傷淚劔痕佳城開集作白日夜集作挽去集作青門

禮命公台重烟霜壠樹繁天高不可問空使輔星昏

夏夜後園卽事寄門下武相公 李吉甫

結搆非華宇登仙似古原辭殊蕭相宅蕪勝邵平園避暑

依南廡追涼在北軒烟霞霄外靜草露月中繁鵲遶驚還

止蟲吟思不喧懷君欲有贈宿昔貴忘言

和太常王卿立秋日卽事 盧綸

山集作高雲日晴集作潘岳賦初成籬槿花無色堦桐葉

有聲絳紗垂簾靜白羽拂衣輕鴻鴈悲天遠龜魚覺水清

別絃添楚思牧馬動邊情田雨農官問林風苑吏驚松篁

終盛茂蓬艾自衰榮遙仰憑軒夕唯應苦集作宋生

和王倉少尹暇日言懷 前人

清時多暇日况乃是夫君習靜通仙事書空閱錄集作文

劔飛終上漢鶴夢不離雲無限烟霄路何嗟跡未分



和考功王員外抄秋憶終南舊居 前人

靜憶溪邊宅知君許謝公曉霜凝未耜初日照梧桐澗鼠  
喧藤蔓山禽竄石叢白雲當嶺雨黃葉遶堦風野杲垂橋  
上高泉落水中歡榮來自間羸賤往曾通月滿珠藏海天  
清鶴在籠餘音如可寄願得隱牆東

酬劉侍御春日見招

一作酬侯劍侍御春日見寄

前人

清園君子居左右滿圖書三徑春自足一瓢歡有餘莎庭  
成野席蘭藥是家蔬幽顯豈殊迹昔賢徒病諸

酬孫侍御春日見寄

前人

經過里巷春同是謝家鄰顧我覺衰早荷君留醉頻松高  
猶覆草鶴起慙縈塵如悟達人志患名非患貧

和太常李主簿秋中山下別墅卽事

前人 見集本

清秋來幾時宋玉已先知曠朗霞映竹澄明山滿池葺橋  
雙鶴起收果衆猿隨韶樂今方奏雲林徒蔽虧

酬韋渚秋夜有懷見寄

前人

蕭條涼夜永秋草退集作對衰顏露下鳥初定月明人自閑  
獨悲無舊業共喜出時艱爲問功成後同遊何處山

酬李叔度秋夜喜相遇因傷關東寮友喪逝見贈

前人

寒月照秋城秋風泉澗鳴過時見蘭蕙獨夜感衰榮酒散  
同移病心悲似遠行以愚求作友何德敢稱兄石一作變



波長急松枯藥未成怨看新鬢色怯問故人名野澤雲陰  
散荒原日氣生羈飛本難定非是惡絃驚

酬李端長安寓居偶詠見寄

前人

自別前峯隱同爲外累侵幾年親酒會此日有僧尋學稼  
功還棄論邊事亦沉衆歡徒滿目專愛久離心覽鏡絲垂  
鬢彈絃淚灑琴訪田悲洛下寄宅憶山陰薄溜浸青石橫  
雲架碧林壞簷藤障密衰棟棘籬深流散俱多故憂傷併  
在今爲當俟高躅歸止共抽簪

奉和陝州十四翁中丞寄雷州二十四翁司戶

前人

聯飛獨不前迥落海南天賈傳竟行矣邵公唯泫然瘴開

山更遠路極水無邊沉劣本多感况聞原上篇

酬陳翊郎中冬日携柳郎寧郎歸河中舊居見寄

前人

三句一休沐清景滿林廡

用郭群初

一作儒

從東林兩客居

晨煙浮雪野麥隴潤冰渠斑白皆持酒蓬茅盡有書終期  
買寒渚同此利蒲魚

酬包佶郎中覽拙卷後見寄

前人

令伯支離晚讀書豈知詞賦稱相如狂逢花木無新思拙  
伏溪源損舊居禁路看山珂自緩雲司翫月夜應初沉幽  
敢望金門召空愧巴歛問子虛

酬李益

前人



戚戚一西東十年今始同可憐歌酒夜相問兩悲翁

文苑英華卷第二百四十三

文苑英華卷第二百四十四

詩九十四

酬和五

楊詢一首

張彪一首

王季友一首

庾光先一首

韋應物六首

張南史一首

戴叔倫四首

崔峒三首

王烈一首

嚴維三首

朱放二首

權德輿四首

釋清江一首

釋靈一三首

釋皎然七首

楊巨源九首

答李昌期

楊詢

文粹作  
詢美



三山載羣物峩峩鹹浪中霞衣剪不得此路安可從我生  
亦何事出門如飛蓬白日又黃昏所悲瑤草空蟲聲故鄉  
夢枕上禾黍風吾道如未喪天運何處通

北遊還一作遠酬孟文一作雲卿見寄 張彪

忽忽忘一作望前事志願能相乖衣馬日一作父羸弊誰辨才

不才一作幸與才善道居貧賤潔服蒙塵埃行行無定上一作

坎壈難歸來慈母憂疾疹家室念低摧一作室家幸一作念作

與君夙姻親深見中外懷俟予惜時節悵望臨亭一作高臺

一作皆詩選

酬李十六 王季友

鍊丹文武火未成賣藥販山不販名出谷迷行洛陽道乘

流醉卧滑臺城城下故人久離怨一歡適我一作怨兩家願

朝飲杖懸沽酒錢暮食囊有松花飯二河車馬日憧憧李

膺門館爭登龍千賓揖對若流水五經發難如扣鍾下筆

新詩行蒲壁立譚古人坐在席問我草堂有卧雲晒我厨

中一作知無擔石自耕自割一作種食為天如鹿如麋飲野

泉亦知世上公卿貴且養丘中草木年

此詩三百四十卷重出今削去注異同為一作

奉和劉採訪縉雲南嶺作 庾光先

百越城池枕海圻永嘉山水復相依懸蘿弱篠垂清淺宿

兩朝噉和翠微鳥訝山經傳不盡花隨月合數仍稀幸陪

謝客題詩句誰與王孫此地歸



酬閻員外陟一作涉

韋應物

寒夜阻良覲叢竹想幽居虎符予已誤金丹子何如醮集  
觀農暇笙歌聽訟餘雖蒙一言教自愧道情踈

答故人見諭

前人

素寡名利心自非周圓器徒以歲月資屢蒙藩條寄時風  
重書札物情敦貨遺機杼十縑單慵踈百函愧常負交親  
責且爲一官累况本濩落人歸無置錐地省已已知非枉  
書見深致雖欲効區區何由枉其志

酬張協律赴

前人

昔日集作人鬻春一作春地今人復一賢屬余藩守日方君卧  
病年麗思阻文宴芳蹤闕賓筵經時豈不懷欲徃事屢牽

公府適煩倦開緘瑩新篇非將握中寶何以比其妍感茲  
棲寓詞想彼疴瘵纏空宇風霜交幽居情思綿當以貧非  
病孰云白未玄邑中有其人憔悴即我憊由來牧守重英  
俊得薦延非集作匪人等鴻毛斯道何由宣遭時無早晚蘊  
器候集作俟良緣觀文心未衰勿藥疾當痊長期簡牘罷馳  
慰子忡然

答令狐侍郎

前人

一凶乃一吉一是復一非孰能逃斯理亮在識其微三黜  
故無愠高賢尚集作當庶幾但以親交戀音容邈難希况昔  
集作惜別離久俱忻藩守歸朝讌方陪厠山川又乖違吳門  
冑海霧峽路凌連磯同念集作會在京國相望涕沾衣明時



重英才當復列彤闈白玉雖塵垢拂拭還光輝

答劉信州侍郎

前人

瓊樹凌霜雪葱蒨如芳春英賢雖出守本自玉階人宿昔  
陪郎署出入仰清塵孰云俱列郡比德豈為鄰風雨飄海  
氣清凉悅心神重門深夏晝賦詩延眾賓方以歲月舊每  
蒙君子親繼作郟齋什遠貽集作贈荆山珎高閑庶務理遊  
眺景物新朋友亦遠集醺酌在佳晨始唱已慙拙將酌益  
難伸濡毫竟僂俛一用寫悃勤

答揚奉禮

前人

多病守山郡自得接嘉賓不見三四日曠居集作若十餘春  
集作臨觴獨無味對榻已生塵一詠舟中作灑雪忽驚新

煙波見樓旅景物俱昭陳秋塘惟落葉野寺不逢人幽事

廷吏簡閑居文墨親高天池閣淨集作靜寒菊霜露頻應當

整孤棹歸來展慇懃

酬張二倉曹揚子閑居見寄兼呈韓郎中左補闕

皇甫冉

張南史

孤雲獨鶴自悠悠別後經年尚泊舟漁父致詞相借問仙  
郎能賦許依投折芳遠計三春草乘興閑看萬里流莫怪  
杜門頻乞假不堪投病拜龍樓

和尉遲侍郎夏杪聞蟬

戴叔倫

楚人方苦熱柱史獨聞蟬晴日暮江上驚風一葉前蕩搖  
清管雜幽咽野風傳旅舍聞君聽無由更晝眠



奉酬盧端公飲後贈諸公見示之作已見二百十五卷

前人

和河南羅主簿集作送校書兄歸江南

前人

兄弟泣殊方天涯指故鄉斷雲無定處歸鴈不成行草莽人煙少風波水驛長上虞親渤澥東楚隔瀟湘古戍陰傳火寒蕪曉帶霜海門潮灩灩沙岸荻蒼蒼京輦辭芝疑作芸閣衡方憶草堂知君始寧隱還緝舊荷裳

酬別劉九郎評事專經同泉字 前人

舉袂集作袖掩離絃枉集作聽君愁思篇忽驚池上鷺集作鷺下

集作咽隴頭泉對牖墻陰蒲臨扉日影圓賴聞黃太守章

句此中傳

酬李補闕雨中寄贈

崔峒

十年隨馬宿幾處受人恩白髮還鄉井微官有子孫竹窻寒雨滴苔砌夜蟲喧獨媿東垣友新詩慰旅冤

初除拾遺酌丘二十二見寄一作初拜命酬丘丹見贈 前人

江海久垂綸朝衣忽挂身丹墀方一作謁帝白髮免羞人

才愧文章士名當諫諍臣空餘薦賢分不敢負交親

此詩二百五十六卷重出今已削去注異同為一作

劉展下判官相招以詩答之 前人

國有非常寵家承異姓勳背恩慙皎日不義若浮雲但使忠貞在甘從玉石焚竄身無有地夢寐見明君

酬崔峒

王烈



狗世其長往逢時添一官欲朝青瑣去羞向白雲看榮寵  
無心易艱危抗節難思君寫懷抱非敢和幽蘭

酬耿拾遺題贈

嚴維

掩扉常自靜驛吏忽傳呼水巷驚馴鳥藜床起病軀顧身  
悲欲老戒子力為儒明日公西去煙霞復作徒

酬王侍郎西陵度見寄

前人

前年萬里別昨日一封書郢曲西陵渡秦官使者車柳塘  
薰晝日花水溢春渠若不嫌鷄黍先令掃弊廬

酬劉員外見寄

前人

蘇耽佐郡時近出白雲司藥補清羸疾窓吟絕妙詞柳塘  
春水漫花塢夕陽遲欲識懷君意朝朝訪檝師

答陸澧

朱放見集本

松葉堪為酒春來釀幾多不辭山路遠踏雪也相過

新安所居答相訪人所居蕭使君為制

前人

謝公見我多愁疾集作病

為我開門對碧山君若欲來看猿

鳥不須爭把桂枝攀

奉酬張鑑閣老雪後過中書見贈輒加兩韻通簡

南省僚舊

權德輿

寓直久叨榮新恩倍若驚風清五夜末節換一陽生潘鬢  
年空長齊竿藝本輕常時望連茹今日劇懸旌枉步歡方  
接含毫思又縈煩君白雲集作雪句歲宴若為情

和李大夫西山祈雨因感張曲江故事集作書十韻



前人

亞相冠貂獬分憂統十聯火星當未日雲漢倬炎天齋禱  
期靈貺精神契昔賢中宵出騶馭清旭旅牲牲觸石看初  
起隨車應忽先雷音生絕巘雨足晦平阡蕭洒四溟合空  
濛萬頃連歌謠誼澤國稼穡遍原田故事三台盛新文六  
義全作霖應自此天下待豐年

酬張秘監閣老喜太常中書二閣老與德輿同日

遷官相代之作時秘監亦同日拜命

前人見集本

珠樹共飛棲分封受紫泥正名推五字貴仕仰三珪繼組  
心知忝德輿代太常為禮部腰章事頗齊蓬山有佳句喜氣在新題

酬主客仲員外見賀正除

前人

五年承乏奉如綸材一作薄那堪侍從臣禁署猶聞清漏

曉命書慙對紫泥新周班每喜簪裾接郢曲偏宜諷詠頻  
憶昔曲臺常議禮見君論著最相親

上都酬章十八兄

釋清江

每歎經年別人生有幾年關河長問道風雨獨隨綠寓蝶  
成莊夢懷人識禰賢徽猷不及此空媿白華篇

酬陳明府舟中見贈

釋靈一

長溪通夜靜素舸與人閑月影沉秋水風聲落暮山稻花  
千頃外蓮葉兩河間陶令多真意思一解顏

酬皇甫冉西陵渡見寄

前人

西湖潮信滿島嶼入中流越客依風水相思南渡頭寒光



生極浦暮雪映滄洲何事揚帆去空驚海上鷗此篇又見一百三十

卷六

酬皇甫冉將赴無錫贈詩於雲門已見二百三十六卷前人

酬崔侍御見贈

釋皎然

買得東山後逢君小隱時五湖遊不厭栢署跡如遺儒服

何妨道禪心不廢詩一徒居士說集作與君如此說長破小乘疑

和李侍御萼歲初夜集處士開閣書閣即侍御所創前人

遲賢新買閣此意此疑郊居古徑行春早新窓見月初放

歌還倚瑟講道亦觀書為我留禪位來逢此會踈

酬薛員外誼見戲

前人

方知正始作麗掩碧雲詩文彩盈懷袖風規發詠思遺弓

逢大敵摩壘怯偏師頻有移書讓多慙繼組遲淺才迂且

拙虛譽喜還疑猶倚披沙鑿長歌向子期

和李舍人使君紆題雲明府道室 前人

許令如今道性雲曾經西岳事桐君流霞手把應疇事一作

壽麟黃鶴心期擬作羣金錄時教弟子檢砂床不遣集作世

人間桂陽亦是神仙守集作少別無嗟兩地分

奉酬李員外使君嘉祐蘇臺屏居春首有懷

前人

昔歲為邦初未識今朝休沐集作宦始相親移家水巷含依

靜種柳風窓欲占春詩思先邀烏府客山情還訪白樓人

登臨許作集作接煙霞伴高在方袍間幅巾



答李季蘭

前人

天女來相識將花欲染衣禪心竟不起還捧舊花歸

酬初判官湖上見贈

前人

歲歲湖南隱已成如何星使忽知名沙鷗慣逐無心客今日逢君不解驚

和呂舍人喜張員外自北番迴至境上先寄二十

韻

楊巨源

割愛天文動敦和國步安仙姿歸舊好戎意結新歡並命  
瞻鵷鷺同心揖蕙蘭玉蕭臨祖帳金榜引征鞍廣陌雙旌  
去平沙萬里看平聲海雲侵鬢起邊月向眉殘突兀陰山迥  
蒼忙朔野寬毳廬同甲帳韋橐比瑁盤義著親胡俗儀全

識漢官地隣冰鼠淨天映燭龍寒節異蘇卿紉殊蔡女  
彈磧分黃渺渺塞極黑漫漫歡味羶腥列徵聲休儻攢歸  
期先鴈候登路劇鵬搏上客離心遠西宮草詔殫麗詞傳  
錦綺珍價掩琅玕百兩開戎壘千蹄入御欄瑞光麟閣上  
喜氣鳳城端尚德曾辭劔柔凶本舞干茫茫斗星北威服  
古來難

酬令狐員外直夜書懷見寄

前人

花枝暖欲舒粉署夜方初世職推傳盛春刑是減餘芸香  
能護字鈿繫善呈書此地從頭白經年望雉車

和盧諫議朝回書情即事寄兩省閣老兼呈二起

居諫院諸院長

前人



寵位資寂疑用回頭憐二疎超遙比鶴性皎潔同僧居華  
組澹無累單床歡有餘題詩天風灑屬思紅霞舒藹藹延  
閣東晨光映林初爐香深內殿山色明前除對客默焚膏  
何人知諫書全仁氣逾勁大辨言甚徐逸步寄青瑣閑吟  
親綺疏清輝被鸞渚瑞藹含龍渠謝監管野墅陶公愛吾  
廬悠然遠者懷聖代飄長裾端弼緝元化至音生太虛一  
戎殄攬捨重譯充儲胥借地種寒竹看雲憶春蔬靈機棲  
杳冥談笑登軒車晚迹識麒麟秋英見芙蓉危言直且莊  
曠抱鬱以攄志業耿冰雪光容粲璠璣時賢儼仙掖氣謝  
心何如

奉和裴相公

前人

竹寺題名一半空衰榮三十六人中在生本要求知己垂  
老應憐疑作值相公敢望爨和迴舊律任應時節到春風  
若爲問得蒼蒼意造化無言自是功

和大夫邊春呈長安親故

前人

巖城吹笛思寒梅二月冰河一半開紫陌詩情依舊在黑  
山弓力畏春來遊人曲岸看花發走馬平沙獵雪迴旌旆  
朝天不知晚將星高處近三台

張郎中段員外初直翰林報寄長句 前人

秋空如練瑞雲明天上人間莫問程丹鳳詞頭供二妙金  
鸞殿角直三清方瞻北極臨星月猶向南班滯姓名啓沃  
朝朝深禁裏香爐烟外是公卿



奉酬端公春雪見寄

七言

前人

造化多情狀物親  
剪花鋪玉萬重新  
閑飄上路呈豐歲  
狂舞中庭學醉春  
興逸何妨尋剡客  
唱高還肯寄巴人  
遙知獨立芝蘭閣  
滿眼清光壓俗塵

答振武李逢吉判官

前人

近來時輦都無異  
把酒皆言肺病同  
唯有單于李評事  
不將華髮負春風

奉酬竇郎中早入省苦寒見寄

前人

玄冥怒含風羣物戒  
嚴節空山頑石破  
幽澗層冰裂  
題詩金華彥  
接武丹青烈  
曠懷玉京雲  
孤唱粉垣雪  
窮陰總凝沍  
正氣直肅殺  
天狼看墜地  
霜兔敢拒穴  
悠然蓬蒿士  
亦

得奉朝謁羸驂苦遲遲  
單僕怨切切  
端闌仙階邃  
廣陌凍橋滑  
旭日鷺鷥行  
瑞煙芙蓉闕  
司寒申鄭重  
成歲在凜冽  
謝監逢酒時  
袁生閉門月  
漸思霜霰減  
欲報陽和發  
誰家挾纊心  
何地當鑪熱  
係舒能一改  
恭聽遠者說



文苑英華卷第二百四十四

文苑英華卷第二百四十五

詩九十五

酬和六

令狐楚三首

李逢吉三首

韓愈三首

孟郊一首

劉禹錫八首

元稹三首

呂溫二首

張籍七首

白居易十六首

姚合八首

賈島六首

釋無可七首

將赴洛下旅次漢南獻上相公二十兄言懷八韻

令狐楚

台室名魯繼旌門跡暫過歡情老去少苦事別離多便為



開樽俎應憐出網羅百憂今已失一醉孰知他帝德千年  
日君恩萬里波許隨黃綺輩閑唱紫芝歌龍衮期重補梅  
羹佇拜和嵩丘未携手君子意如何

奉和酬相公賓客漢南留贈八韻 前人

自作分憂別今方便道過悲酸如我少語笑爲君多淚亦  
因盃酒歡非待一作侍綺羅路岐傷不已松栢性無他悵望

商山老慙慙漢水波重言塵外約相公往年難繼郢中歌

玉管離聲發銀缸曙色和碧霄看又遠其奈獨愁何

奉和僕射相公酬忠武李相公見寄之作 前人

麗藻飛來自相庭五文相錯八音清初瞻綺色連霞色又  
聽金聲繼玉聲才出山西文與武歡從塞北弟兼兄白頭

老尹三川上雙和陽春喜復驚

奉送李相公重鎮襄陽

李逢吉

海內珽埴遍漢陰旌旆還望留冊闕下恩在紫霄間冰雪  
背秦嶺風煙經武關樹皆人尚愛轅即吏曾攀自惜兩心  
合相看雙鬢班終期謝戎務同隱鑿龍山

再赴襄陽辱宣武相公貽詩今用奉酬 前人

解散辭冊禁楊旌去赤墀自驚非素望何力及清時又據  
三公席多慙四老祠峴山風已遠棠樹事難追江漢饒春  
色荆蠻足夢思唯憐吐鳳句相示鑿龍期

奉酬致仕揚祭酒見寄

前人

初還相印罷戎旃獲守皇居在紫煙妄比鄴侯功茂爾每



懷疏傳思悠然應將半俸霑問里料入中條訪洞天十載  
別離那可道倍令驚喜見來篇

奉和裴相公假山十一韻

已具一百六十一  
尼山作題門

韓愈

奉和庫部盧四兄曹長元日朝廻 前人

天仗霄嚴樹羽旄春雲送日曉雞號金鑪香動螭頭暗玉  
珮聲來雉尾高戎服上趨承北極儒冠列侍映東曹太平  
時節身難遇即署何須歎二毛

和高平朱叅軍思歸作

前人

髯叅軍髯叅軍身為北州吏心寄東山雲坐見萋萋芳草  
綠遙思往日清一作情江曲刺船頻向剡中廻棒被曾過越  
人宿花裏鶯啼白日高春樓把酒送車螯狂歌好愛陶彭

澤佳句唯稱謝法曹平生樂事多如此忍為浮名隔千里  
一鴈南飛斷客心思歸何待秋風起

答友人相贈

孟郊

白日照清水淺深無隱姿君子業高文懷抱多正思砥行  
碧山石結交青松枝碧山無轉易青松無集作難傾移落落

出俗韻琅琅大雅詞自非隨氏掌明月安能持十載集作千里  
不可到一發集作返無近期如何非意中良覲忽在茲道話

集作必踈索集作淡儒風易凌遲願從正直集作聖貞節勿謂霜

雪集作霰欺

奉和淮南李相公早秋即事寄成都武相公

劉禹錫



八柱共承天東西別隱然遠夷爭慕化真相故臨邊並進  
夔龍位仍齊龜鶴年相公詩有齊年並進之句同心舟已濟造膝壁常  
聯對嶺專征寄遙持造物權斗牛添氣色井絡靜氛煙獻  
可通三畧分井出萬錢漢南趨節制淮北賜山川玉帳觀  
渝舞虹旌獵楚田步嫌雙綬重夢入九城偏秋興離情動  
詩從樂府傳聆音還竊旃不覺撫公絃

奉和吏部尚書太常李卿二相公策免後即事述

懷贈答十韻

前人

文雅關西族衣冠趙北都有聲直漢相無類勝隨珠當軸  
龍爲友臨池鳳不孤九天開內殿百辟看晨趨誠滿澄歌  
器成功別大鑪餘芳在公論積慶是神扶步武離台席細  
翔集帝梧銓材秉秦鏡典樂去齊竽瀟灑風塵外逢迎詩  
酒徒唯應待華皓更食萬錢厨

酬淮南廖叅謀秋夕見過之作

公昔爲揚州從事叅謀從釋子反初

前人

揚州從事夜相尋無限新詩月下唸初服已經玄髮長高  
情猶向碧雲深語餘時舉一杯酒坐久方聞數處砧不逐  
繁華訪閑散知君擺落俗人心

尉遲郎中見示自南遷牽復却至洛城東舊居之

作因以和之

前人

曾遭飛語十年謫新受恩光萬里還朝服不妨遊洛浦郊  
園依舊看嵩山竹含天籟清商樂水遶庭臺碧玉還畱作



功成退身地如今只是暫時閒集作

和蘇十郎謝病閑居時嚴常侍蕭給事同過訪歎

初有二毛之作

前人

清羸隱几望雲空左掖鴛鴦到室中一卷素書消永日數  
莖斑鬢對秋風菱花照後容雖改著草占來夢已通莫怪  
人人驚早白緣君合是黑頭翁

朗州竇員外見示與澧州元郎中郡齋贈答長句

二篇因而繼和

鴛鴦差池出建章綵旗朱戶鬱相望新恩共理犬牙地昨  
日同含鷄舌香白芷江邊分驛路山桃溪外接甘棠應憐  
一罷金閨籍枉渚逢春十度傷

遙和白賓客分司初到洛中戲呈馮尹 前人

西辭望苑去東占洛陽才度嶺無愁集作思看山不懊來

冥鴻何所慕遼鶴乍飛廻洗竹通新徑携琴上舊臺塵埃

長者轍風月故人盃聞道龍門峻還因上客開

杏園花下贈夢得 白居易

和白樂天杏園花 劉禹錫

同前以上三篇並見 元稹

及第後答潼關主人 呂溫

本欲雲雨化却隨波浪翻一霑太常第十過潼關門志力  
且虛棄功名誰復論主人故相問慙笑不能言

吐蕃列館利周十一郎中楊七錄事望白山作



前人

純精結竒狀皎皎天一涯玉嶂擁清氣蓮峯開白花半巖  
晦雲雪高頂澄煙霞朝昏集作暮對賓館隱映如仙家夙聞  
蘊孤尚欲窮限幽遐暫因行役暇偶得志所嘉明時無外  
戶勝境即中華况今舅甥國誰道隔流沙

酬白太傅

元稹

太空秋色涼獨鳥下微陽三徑池塘靜六街車馬忙漸能  
高酒戶始是入詩狂官冷且無事追陪慎莫忘

酬竇校書二十韻

次用本韻

前人

鷗鷺元相得杯觴每共傳芳遊春爛熳晴望月團圓調笑  
風流劇論文屬對全詠集作賞花珠並綴看雪壁常連竹寺

荒唯好松栽小更憐潛投孟公轄狂乞莫愁錢塵土拋書  
卷搶籌弄酒權令誇齊箭到力鬪抹弓絃但喜深集作添罇  
滿誰憂乏桂燃漸輕身外役渾證飲中禪及我辭雲陸逢  
君仕圃田音徽千里斷寢夢兩情偏足聽猿啼雨深藏馬  
腹鞭官醪半清濁夷饌雜腥羶顧影無依倚甘心守靜專  
那知暮江上俱會落英前欵曲生平在悲涼歲序遷鶴方  
同北渚鴻又過南天麗句慙虛擲沉機懶強牽粗酬珍重  
意工拙定相懸

和令狐相公

集作尚書

平泉東

一作西

莊近屬李僕射因

寄十韻

張籍

以下七篇並見集本

平池有清泉伊南古寺邊漲池閑繞屋流墅集作出野遍澆田



舊隱離多日新鄰得幾年探幽皆一絕選勝又雙全門靜

山光別園深竹影連斜分採藥徑直過釣魚船鷄犬還集作

應相識煙霞亦競鮮集作雲霞追尋應不遠吟賞集作賞愛定

難偏此處堪長往遊人早共傳各當恩寄重歸卧恐無緣

酬李僕射春日見示集作晚春見寄前人

戟戶洞初晨鶯聲雨後頻虛庭清氣在衆藥濕光新魚動

芳池面苔侵老竹身教鋪嘗酒處自問探花人獨此長多

病閑居集作幽居欲過春今朝聽高韻忽覺離埃塵

和裴僕射寄韓侍郎四字集作移官言志前人

久在集作身在勤勞地常思放曠時功高集作成歸聖主位重委

群司看疊臺邊石行集作閑唸篋裏詩蒼生正瞻仰集作望難

典故山期

酬白舍人早春曲江見招 前人

曲江水欲盡風物已集作日已恬和柳色看猶淺泉聲覺漸多

紫蒲生濕岸青鴨弄集作戲新波仙掖高情客相招共一過

酬韓庶子 前人

西街遊僻處正與懶相宜尋寺獨行遠借書常送逐家貧

無異集作易事身病足集作是閑時寂寞誰相問祇應君獨集作

自知

答白杭州郡樓登望畫圖見寄 前人

畫得江城登望處寄來今日到長安乍驚物象集作色從詩

出更想工人下手難將展書堂偏覺好每來朝士集作客盡



求看見君向此閑吟意肯恨一作當初時作外官

酬王秘書閑居見寄集作酬秘書王丞見寄前人

相看頭白來城闕却憶漳溪舊往還今體詩中長集作偏出

格常朝集作參官裏每同班街西借宅多臨水馬上逢人亦

說山書閣客集作閣水曹雖最冷與君長喜得身閑

奉和汴州令狐相公二十二韻同用淹字白居易

客有東征者夷門一落帆二年方得到五日未為淹相府領鎮

隔年居易方到陪奉遊宴凡經五日在浚旌重葺遊梁館更添心因好善樂

貌為禮賢謙俗阜知敦勸民安見察庶仁風扇平聲道路陰

雨膏去聲閭閻文律操將柄兵機釣得鈴碧幢油業業集作葉葉

紅旆火檐檐景象春加麗威容曉助嚴槍森赤豹尾纛纛

黑龍髯門靜塵初斂城昏日半衙選幽開後院占勝坐前

簷平展絲頭毯高褰錦額簾雷槌拓枝鼓雪擺胡音騰衫

髮滑歌釵墜粧光舞汗霑迴燈花簇簇過酒玉纖纖饌盛

盤心帶醅濃盞底粘陸珍熊掌爛海味蟹螯鹹福履千夫

祝儀形四座集作海瞻羊公長在峴傳說莫歸巖蓋祝者之詞意也

眷愛人人遍風情事事兼猶嫌客不醉同賦夜厭厭

答常八 前人

麗句勞相贈佳音悵集作期恨有違早知留酒待悔不趁花歸

春盡綠醅老雨多紅萼稀今朝如一醉猶得及芳菲

醉中戲醉鄭使君時使君先歸留妓樂重飲

密座移紅毯醜顏照綠盃雙娥留且住五馬任先迴醉耳



歌催醒愁眉笑引開平生少年興臨老暫重來

分司初到洛中偶題六韻兼戲河南

二字集作  
呈馮尹

前人

相府念多病春官容不才官御隨

集作依

口得俸料

集作祿

逐

身來白首園林在紅塵車馬迴招呼新客侶掃掠舊池臺  
小舫宜携樂新河荷蓋盃不知金谷主早晚賀筵開

立春日酌錢員外曲江同行見贈

前人

下直遇春日垂鞭出禁闈兩人携手語十里看山歸柳色  
早紅淺水紋新綠微風光向晚好車馬近南稀機盡笑相  
顧不驚鷗鷺飛

答夢得秋庭獨坐見贈

前人

林稍隱映夕陽殘庭際蕭疎夜氣寒霜草欲枯蟲思急風  
枝未定鳥棲難容衰見鏡同惆悵身徒逢盃且喜歡應是  
天教相暖熱一時垂老與閑官

酬夢得秋夕不寐見寄四韻

次用本韻

前人

碧簾絳紗帳夜涼風景清病聞和藥氣渴聽碾茶聲露竹  
偷燈影煙松護月明何言千里隔秋思一時生

和鄭方及第後秋歸洛下閑居同高侍郎下隔年

及第

前人

勤苦成名後優游得意間玉憐同匠琢桂恨隔年攀山靜  
豹難隱谷幽鷲暫還微吟詩引步淺酌酒開顏門迴暮臨  
水窻深秋對山雲衢日相待莫悟許身閑



酌夢得以予五月長齋延僧徒絕賓友見戲十韻

前人

賓客懶逢迎脩然池館清簷閣空燕語林靜未蟬鳴葷血

初集作休食盃觴亦罷傾三春多放逸五月暫脩行香印

朝煙細紗燈夕焰明交遊諸長老師事古先生二軋古禪先生也

後心彌寂齋來體更輕不唯忘肉味兼擬減風情蒙以聲

聞待難將戲論爭虛空若有佛靈運恐先成

宣武令狐相公以詩寄贈傳播吳中聊奉短章用

申酌謝

前人

新詩傳誄忽紛紛楚老吳娃耳偏聞盡解呼為好才子不

知官是一作大集作將軍詞人命薄多無位戰將功高少

有文謝眺篇章韓信鉞一生雙得不如君

奉和晉公侍中蒙除留守行及洛師感悅發中裴

然成詠之作

前人

鸞鳳翔翔在寥廓貂蟬蕭灑出塵埃致成堯舜昇平代收

得夔龍強健身拋擲功名還史冊分張歡樂與交親商山

老皓雖休去終是留侯門下人

和楊郎中賀楊僕射致仕後楊侍郎門生合宴席

上作

前人

業重關西繼大名恩深闕下遂高情祥鱣降伴趨庭鯉賀

燕飛和出谷鶯一作范蠡舟一作中無子弟踈家席上欠門生

可憐玉樹連桃李從古無如此會榮



和談校書秋夜感懷呈朝中親友 前人

遙夜涼風楚客悲清砧繁漏月高時秋霜似鬢年空長春  
草如袍位尚卑詞賦擅名來已久煙霄得路去何遲漢庭  
卿相皆知已不薦楊雄欲薦誰

歲暮枉衢州張使君書并詩因以長句報之

兩州彼此意何如官職蹉跎歲欲除浮石潭邊停集作五  
馬望濤樓上得雙魚萬言舊手才難敵五字新題一作思

有餘貧薄詩家無好物反投桃李報瓊琚張魯應萬言登科

見殷堯藩侍御憶江南詩三十首詩中多叙蘇杭

勝事予嘗典二郡因繼和之 前人

江南名郡數蘇杭題寫一作寫在殷家三十章君是旅人猶苦

憶我為刺史更難忘境牽吟詠真詩國興入笙歌好醉鄉  
為念舊遊終一去扁舟直擬到滄浪

奉和相公座主西庭秋日即事 姚合

西亭秋望好寧復一作寧要一作更垂簾夫子墻還峻鄮侯宅過

謙微風紅葉下新雨綠苔黏窓外松初長欄中藥復添集作

添旋海圖裝玉軸書日記牙籤竹色晴連地山光遠入簷酒

醲盃稍重詩冷語多尖屬和才雖淺題高免客嫌

和田太僕一作和太僕田鄰酌殷侍御見贈 前人

往還知分熟酬贈思同新嗜飲殷偏逸閑吟鄉亦貧古苔

寒更翠脩竹靜無鄰促席燈浮酒聽鴻霜滿身淺才唯是

我高論更何人携手宜相訪窮居集作少路塵



酌李廓精舍南臺望月見寄

前人

看月雲

集作空

門裏詩家景有餘露寒僧帽出林靜鳥巢虛

集作

遠色當秋半清光勝夜初獨無臺上思寂寞守吾廬

奉酌太僕田鄉書齋即事見寄

前人

幽齋琴思靜晚下紫宸朝舊隱同溪遠周行隔品遙深槐

蟬唧唧微雨竹

集作疎竹雨

蕭蕭不是相公懶煩君舉酒瓢

奉和前司封蘇郎中喜嚴常侍蕭給事見訪驚班

鬢之什

前人

遶鬢滄浪有幾莖珥貂相問夕郎驚祗應為酒微微變不  
是因年漸漸生東觀書成號良史中臺官罷揖高名即提  
彩筆裁天詔誰得吟詩自在行

酬禮部李員外見寄

前人

本來山郡是閑居豈向郎官更有書溪石誰思王匠愛煙  
鴻願與七人踈自來江上眠方穩舊在城中病悉除唯見  
君詩難便捨寒宵吟到曉更初

酌盧侍御見寄

集作酬盧汀諫議

前人

粟如流水帛如山衣食還君

集作夜念舍邊

語笑間篇什縱橫文

案少親賓

集作朋

撩亂吏人閑盃觴引滿從衣濕墻壁狂書

集作書多

任手頑遙賀來年三月盡

集作三月

綠衣先輩過春關

答韓湘

前人

踈散無世用為文乏天格把筆日不休忽忽有所得所得  
良自慰不求他人識予獨訪我來致詩過相飾君子無浮



言此詩應亦甚但慮憂我深鑒亦隨之惑子在名場中屢  
戰還屢北我無數子明端坐空歎息昨聞過春關名繫吏  
部籍三十登高科前途浩難測詩人多峭冷如水在胷臆  
豈隨尋常人一作常人單五藏為酒食朝來作酌章危坐吟到  
夕難為問其辭益媿滿紙黑

酬厲玄

賈島

我來從北鄙子省陟西陵白髮初相識秋山擬共登鄰居  
帝城雨會宿御溝冰未報君集作見貽作耿然中夜興

酬鄆縣李少府見寄

前人

稍憐公事退復遇夕陽時北朔霜凝竹南山水入籬吟懷  
滄海侶空問白雲師恨不相從去心惟野鶴知

酬姚校書

前人

因貧行遠道得見舊交遊美酒集作易一傾盡好詩難卒酌  
公堂朝共到私第夜相留不覺入關晚別來林木秋

酬胡遇

前人

麗句傳人口科名立可圖移居見山遶買樹帶巢鳥遊遠  
風濤急吟情集作清雪月孤却思初識面仍未有多鬚

酬張籍王建

前人

踈林荒宅古坡前久住還因太守憐漸老更思深處隱多  
閑數得上方眠鼠拋貧屋收田日鴈度寒江擬一作撒雪天  
身事龍鍾應是分水曹芸閣枉來篇

酬姚合

前人



黍穗豆苗侵古道晴原午後早秋時故人相憶曾來說楊柳無風蟬滿枝

酬姚員外見過林下

釋無可

掃苔迎五馬蔬藥過中鍾鶴共林僧見雲隨野客逢入樓山隔水滴旆露垂松日暮題詩去空知雅調濃

酬厲侍御秋中思歸樹石所居見寄 前人

三峯居接近數里躡雲行深去通仙境思歸厭窻名月從高掌出泉向亂松鳴坐石眠霞侶秋來短褐成

奉和段著作山居呈同志三首次本韻 前人

香花懷道侶巾烏立雙童解印鴛鴻內抽毫水石中履溫行燒地衣赤動霞風又似朝天去諸僧不可同

二

官辭中秘府踈放野麋齊偃仰青霄近登臨白日低折腰窺乳竇定足涉水溪染翰揮嵐翠僧名幾處題

三

甞收丹陛跡獨徃亂山居入雪知人遠眠雲覺俗虛足垂巖頂石纓濯洞中渠只是僧酬答新歸絕壑書

奉和裴舍人春日杜城書事 前人

早晚辭綸綍觀農下杜西草新池似鏡麥暖土如泥鷓鴣依川息華驪向野嘶春來詩更苦松韻亦含棲

晚秋酌姚侍御見寄

新命起高眠江湖思浩然木衰猶有菊鷺去即無蟬分察



千官內孤懷遠岳邊蕭條人外寺睽阻復經年

三百四十五

文苑英華卷第二百四十六

詩九十六

酬和七

劉得仁三首

周賀一首

溫庭筠二首

張祐一首

杜牧三首

許渾三首

雍陶一首

薛逢二首

李商隱三首

姚鵠三首

項斯二首

趙嘏四首

馬戴三首

李洞一首

薛能二首

喻坦之一首

李頰六首

皮日休三首



陸龜蒙三首

鄭谷三首

羅隱五首

春日酬常先輩雨後見寄

劉得仁

風散五更雨鳥啼三月春軒窗透初日硯席斷纖塵箇箇

峰頭出家家樹色新憐君高且靜有句寄閑人

夏日通濟里居酬諸輩見訪二字集作寄訪之什前人

君子遠相尋聯鑣到弊林有詩難疾和無酒可徐一作斟

門列集作對晴峰色堂開古木陰何因駐清聽唯恐日西沉

通濟里居酬盧肇見尋不遇 前人

衡門掩綠苔樹下絕塵埃偶赴高僧約旋知長者來雲山

堪眺望車馬必徘徊問以何為待集作何以為相得慙無酒一盃

酬朱慶餘已見二百三十一卷

周賀

和段少常柯古

溫庭筠見集本

稱觴慙座客懷刺即門人素尚寧知貴清談不厭貧野梅

江上晚堤柳雨中春未報淮南詔何勞問白蘋

和友人題壁

前人

冲尚猶來出範圍肯將經濟一作世作風徽三台位缺嚴陵

卧百戰功高范蠡歸剩欲一名添集作自欲一鳴驚鶴寢不應孤

憤學牛衣西州未有看碁暇澗户何因集作由得掩扉

酬鄭模一作撲司直見寄

張祐見集本

故人滄海曲聊復話平生喜是狂奴態羞為老婢聲官途

終日薄身事一作計長年輕猶賴書千卷長隨一棹行



奉和門下相公送西川相公兼領相印出鎮全蜀

詩十八韻

杜牧

盛業冠伊唐台階翊戴光無私天雨露有截舜衣裳蜀輟  
新衡鏡池留舊鳳凰同心真石友寫恨茂一作夢河梁虎騎  
搖風旆貂冠韻水蒼彤弓隨武庫金印逐文房棧壓嘉陵  
咽峰橫劔閣長前驅二星去開險五丁忙迴首崢嶸盡連  
天草樹芳丹心懸魏闕往事愴其棠治化輕諸葛威聲懾  
夜郎君平教說卦大子召升堂塞接西川一作山雪橋維萬  
里檣奪霞江錦爛撲地酒爐香黍逐三千客魯依數仞牆  
滯頑堪白首集作羣攀附亦周行肉管伶倫曲簫韶清廟章  
嘈高知寡和小子斐然狂

奉和僕射相公聖德和平致茲休運歲終功就合

詠盛明謹呈三相公

已見一百六十一卷

前人

酬張祐處士見寄

前人

七子論詩誰似公曹劉須在指揮中薦衡昔日知文舉乞  
火何人作蒯通北極樓臺長挂夢西江波浪遠吞空可憐  
故國三千里虛唱歌詞滿六宮

酬杜甫補闕初春雨中泛舟次橫江喜裴郎中相

迎見寄

許渾

江館維舟爲庾公暖波微漾

集作綠

雨濛濛紅橋

集作墻

迤邐

春巖下朱旆聯翻曉樹中柳滴圓紋生細浪梅含香艷吐  
輕風郢歌莫問青山吏魚在深池鳥在籠



和常秀才寄簡歸州鄭使君借徠 前人

謝守携徠東路長，裊藤穿竹似瀟湘。碧山初暝嘯秋月紅，樹生寒啼曉霜。陌上楚人皆駐馬，里中巴客半歸鄉。心知欲借南遊侶，未到三聲恐斷腸。

奉酬郭二十三 六字集作 酬少府 先輩奉使延勞 集作見 巡勞

寄蕪呈長官之什 四字集作 裴明府 前人

載書携酒 集作 榼 別池籠十幅輕帆，處處通謝眺宅深 集作 荒

山翠裏王敦城古，月明中江村夜漲。浮天水澤國秋生，動

地風飽食鱸魚歸榜棹 集作榜 歸揖 待君琴酒醉陶公

酬祕書王丞見寄 雍陶

朝下有閑思，南溝邊水行。因來見寥落，轉自歎平生。白首

丈夫氣赤心，知己情留詩。本相慰却憶，苦吟聲

奉和僕射相公送東川李支使歸使府夏侯相公

薛逢

兩地交通布政和，上台深喜使星過。歡留白日千鍾酒，調入青雲一曲歌。寒柳翠添微雨重，臘梅香綻細枝多。平津萬一言卑散，莫忘高松寄女蘿。

席上酌東川嚴中丞叙舊見贈 前人

昔記披雲日，今逾二十年。聲名俱是夢，恩舊半歸泉。朱紱慙衰齒，紅粧慘別筵。離歌正淒切，休更促危絃。

酌別令狐八補闕 李商隱 見集 本

惜別憂仍半，迴塗秋已期。那脩直諫草，更賦贈行詩。錦段



知無報青萍肯見疑人一作生有通塞公等繫安危警露

鶴辭侶吸風蟬抱枝彈冠如不問又到掃門時

和令狐八絢戲題集作和友戲贈二首 前人

東望華樓事集作花樓會不同西來雙燕信休通仙人掌冷三

霄露玉女窻虛午集作五夜風翠袖自隨迴雪駐集作轉獨房

尋類外庭空慙懃莫使清香透牢合金魚鑲桂叢

二

迢遞清一作春門有幾關柳稍樓閣見南山明珠可貫須爲

珮白璧堪裁且作環子夜休歌團扇掩新正未破剪刀閑

猿啼鶴望集作怨終年事未抵爐香集作熏爐一夕間

奉和祕監從翁夏日陝州河亭晚望 姚鵠見集本

洪河何處望一境在孤煙極野如藍日長波似鏡年捲簾

花影裏倚檻鶴巢邊霞焰侵旌旆灘聲雜管絃鍾微來疊

岫帆遠落遙天過客多相指應疑會水仙

和陝州叅軍李通微首夏書懷呈同寮張裳段群

二先輩 前人見集本

公門何事更相牽邵伯憂賢任養閑蒲院落花從覆地半

簷初日未開關尋仙鄭谷煙霞遠避暑何亭樹石間獨爲

高懷誰繼和掾曹同處桂同攀

和工部楊尚書重送約句 前人

桂枝攀得獻庭闈何似空懷楚客集作摘歸控翮集作好扶搖

早迴首人人思看大鵬飛



和李中丞醉中期王徵君月夜同遊漣水舊居

項斯

醉後情俱遠難忘素漣間照花深處月當戶舊時山事想  
同清話歡期一破顏風流還愛竹此夜尚思閑

酬從叔聽夜泉見寄

前人

夢罷更開戶寒泉聲隔雲共誰尋最遠獨自坐偏聞巖際  
和風滴溪中泛月分豈知當此夜流念到江濱

陪崔璞侍御和崔珣春日有懷 趙嘏

詩家本多感况值廣陵春暖駐含窻日香餘醉袖塵浮名  
皆有分一笑最關身自此容依託清才兩故人

和令狐補闕春日獨遊西街 前人

左掖初辭近侍班馬嘶尋得過街閑映鞭柳色微遮水隨

一作

步花枝欲礙山暖泛鳥聲來席上醉從詩句落人間

此時失意哀吟客更覺風流不可攀

廣陵答崔琛

前人

棹倚隨家舊院墻柳金梅雪撲簷香朱樓映日重重晚碧  
水含光灑灑長八斗已聞傳姓字一枝何足計行藏聲名  
官職應前定且把旌麾一作紅旌入醉鄉

答友人

前人

詩家才子酒家仙遊宦曾依積水邊窻戶動搖三島樹琴  
樽安穩五湖船羅浮道士分瓊液錦席佳人艷楚蓮今日  
相逢朗吟罷蒲城砧杵一燈前



文苑英華 卷一百一十五  
答光州王使君

馬戴

信來淮上郡楚岫一作紆入秦雲自顧爲儒者何由答使君  
蛺風蟬乍失阻雨鴈頻聞欲識平生分他特別紀勲

酬太原從事楊郎中見寄

集作贈別

前人

君將集作若枉海月珮贈之光我行見知言不淺懷報意非輕  
反照臨岐思中年未達情河梁人送別秋漢鴈相鳴衰柳  
搖邊吹寒雲冑古城西遊還獻賦應許託平生

酬李景章先輩

前人

平生詩句忝多同不得陪君奉至公金鎬自宜先中鵠  
鈿刀其且學雕蟲鶯啼細柳臨關路鷲接飛花遶漢宮  
九陌芳菲人競賞此時心在別離中

和兵部永崇侍郎勾筵茶席

李洞

落葉濺唵身會基雲雪一作外人海枯搜不盡天在下長新  
月上分題徧鍾殘布子勻忘機二高客絕意任陶鈞

郊居答客

薛能

傍舍蟲聲蒲殘秋宿雨村遠勞之子騎先顧野人門敗藥  
盤空蔓彫藜露暗根相携語未盡川月照黃昏

酬泗州常中丞壩上日寄贈蕪次本韻

前人

魯儒相悟欲成空學盡文章不見功官自掖垣飄海上鎮  
從隋岸入山中嘗遭火發瞿曇宅爭得天如老氏弓何意  
杜陵懷寶客也隨迷路出關東

和范祕書宿省中作

喻坦之



清省宜寒夜仙才稱獨吟  
鐘來宮轉漏月過閣移陰  
鶴避燈前靜芸高帷外深  
想知因此興暫動憶山心

和苑

一作范

鄧先輩話襄陽遊

李頻

聽說揚帆曲初從峴首還  
高吟入白浪遙坐出青山  
古木猿啼爽空汀鶴立閑  
秋來南去夢幾夜過商關

酬姚覃

前人

不見又相招何曾許寂寥  
醉眠春草長閑坐夜燈銷  
淚墮思山切身歸轉海遙  
年年送別處楊柳少長條

九衢春日酬范祕書

前人

九衢行一匝不敢入他門  
累日非無事通宵得盡言  
命嗟清世蹇春覺閨冬溫  
反覆吟佳句何酌國士恩

黔中酬同院常判官

前人

平生同所爲相識偶然遲  
各著青袍後無歸白社期  
江流來絕域府地管諸夷  
聖代都無事從公但賦詩

長安僻居酬人

前人

豈得有詩名徒爲老帝京  
關中秋氣早雨後夜涼生  
滄海身終汎青門路已行  
吟君一句意又見故人情

答韓中丞容不飲酒

前人

老大成名仍足病強聽絲竹亦無歡  
高情太守容閑坐借與青山盡日看

江南道中酬茅山廣文南陽博士三首 皮日休

寒嵐依約認華陽遙想高人卧草堂  
半日始齋青飴飯移



時空印白檀香鶴雛入夜歸雲屋乳管逢春落石床誰道  
夫君無伴侶不離窓下見羲皇以下六篇並見松陵集

二

住在華陽第八天望君惟欲結良緣堂扃洞裏千秋鴈集作  
鸞厨蓋巖根數井一作泉壇上古松疑度世觀中幽鳥恐  
成仙不知何事迎新歲烏衲裘中一覺眠

三

五色香煙惹內文許遠遊燒香煙五色石飴初熟酒微集作初醺將開  
丹竈那妨集作防鶴欲筭碁圖却望雲海氣半生當洞見暴  
冰初坼隔山聞如何世外無交者許遠遊與王羲之父于為世外之交一卧  
金壇祗有君

依韻和三首集作奉和次韻

陸龜蒙

一片輕帆佩集作背夕陽望三峰拜七真堂天寒夜漱雲牙

净雪壤集作壤晴梳石髮香自拂煙霞安筆格獨開封檢試

砂床莫言洞府能招隱會輾颺輪見玉皇

二

壺中行坐可携天何況林間息萬緣組綬任垂三品石珮

環從落四公泉丹臺已運陰陽氣集作火碧簡須調集作次

第仙廣陽集作文王季猶在場中想得雷平春色動玉集作五芝煙草集作

甲 又芋眠

三

良常應不動移文金醴從酸亦自醺蓬萊公洛廣休以金醴四升待主簿主簿



恨其味酸也 桂父舊歌飛絳雪桐孫遺韻倚玄雲春臨柳谷鷺  
先覺曙醮靈蕪集作蕪香 鶴共聞珍重雙雙玉條脫盡憑三島  
寄羊君

酬王駕校書山居忽聞結綬見寄之什 鄭谷

直應歸諫署方肯別山村勤苦常同業孤單共感恩醉披  
仙鶴驚唵扣野僧門夢見君高趣天涼自灌園

次韻和禮部盧郎中極江上秋夕寓懷 前人

望郎到處覺風生蜀郡留連亞相情亂後江山悲庾信夜  
來煙月屬袁宏夢歸蘭省寒星動吟向莎州宿鷺集作鷺  
未脫白衣頭半白叨陪屬和倍爲榮

寄前集作前寄 左省張起居一百言尋蒙唱酬見譽過

實却用舊韻重答

前人

臧瘦經多難憂傷集晚年吟高風過樹坐久夜涼天旅退  
慙隨衆孤飛怯向前釣朋蓑叟在藥術衲僧傳鬢禿趨榮  
路勝焦鄙盜泉品徒誠有隔酬唱意何堅寒地殊知感秋  
燈最不眠從來耳默爾自此倍怡然蘭爲官須握蒲因學  
更編豫愁搖落後子美笑無羶杜工部贈鄭廣文詩云科名四十年坐客寒無羶

酌高崇節

羅隱

舊遊雖一夢別緒忽千般敗草湯陵晚衰槐楚寺寒數奇  
常自愧時薄欲何干猶賴君相勉慙慙貢禹冠

廣陵秋日酬進士臧漬見寄 前人

驛西斜日蒲窻前獨凭秋窓集作然 思渺綿集作然 數尺斷蓬



慙故國一輪清鏡泣流年已知世事真徒爾縱有心期亦  
偶然集作空媿苟家好兄弟鴈來魚去是因緣

秋日汴州

集作河

客舍有酬

二字集作酬友人

前人

梁宋追遊早歲同偶然爲集作別事皆空年如流水催何

急道似危途動即窮醉舞且欣連夜月狂唸還聚一集作

樓風煩君更枉騷人句白鳳靈蛇蒲篚集作中

縣齋秋晚酬友人朱瓚見寄

前人見集本

中秋節後捧瓊瑰坐讀行吟數月來只歎雕龍方擅價不  
知頽鯉竟空廻千枝白露陶潛柳百尺黃金郭隗臺惆悵  
報君無玉案水天東望一徘徊

酬丘光庭

前人

正月十一日書札五月十六日到來柳吟秦望咫尺地鯉

魚何處閑徘徊故人情意未踈索次第序述眉眼開上言

二年隔煙水下有數幅真瓊瑰行吟坐讀口不倦瀑泉激

射琅玕摧壁池蘭蕙日已老村酒蘸甲時幾盃鶴齡鴻筭

一作不復見雨後蓑笠空莓苔自從黃寇擾中土人心波

蕩猶未廻道般合眼拜九列張濬棹舌升三台朝廷濟濟

白揆序寧將對面容姦回禍生有基妖有漸翠華西幸蒙

塵埃三川梗塞兩河關大明宮殿生蒿萊懦夫早歲不量

力策蹇仰北高崔嵬千門萬戶扃鎖密良匠不肯雕散材

君今得意尚如此况我麋鹿悠悠哉榮衰貴賤目所覩莫

嫌頭白黃金臺



文苑英華卷第二百四十六

寄贈一

詩九十七

梁簡文帝一首

江淹一首

范雲一首

吳筠十首

何遜一首

王僧孺一首

柳惲三首

朱超一首

劉孝綽三首

陸倕一首

蕭子雲一首

朱异一首

荀濟一首

庾信一首

江摠三首

贈張纘

梁簡文帝



儀表咸推挹，墻仞難窺踐。既富垂帷學，復折波濤辯。綺思  
暖霞飛，清文煥颺轉。朱旗赫容與，雕棨紛曄煜。波搖白鱧  
舟，風動蒼鴈類聚作鷹舳。九疑勢參差，江天相蔽虧。三春澧浦  
葉，九月洞庭枝。洞庭枝梟娜，澧浦葉參差。芬芳與槎落，俱  
應相別離。

貽袁常侍

江淹

昔我別楚水，秋月麗秋天。今君客吳坂，春日媚春泉。幽冀  
生碧草，沅湘含翠烟。鏘鏘霞上景，愔愔雲外山。涉江竟何  
望，一作事留滯空採蓮。

贈沈左衛

范雲

伊昔霑嘉惠，出入承明宮。遊息萬年下，經過九龍中。越鳥

通  
憶北樹胡馬畏南風，願言反

類聚作友漁蓑補他苗切蓀也

津梁肯見

贈周散騎興嗣三首

吳均

子雲好飲酒，家在成都縣。製賦已百篇，彈琴復千轉。敬通  
不富豪，相如本貧賤。共作失職人，包山一相見。

二

孺子賤而貧，且非席上珍。唯安菜蕪飢，兼慕林宗巾。百年  
逢繾綣，千里遇慇懃。願持江南蕙，以贈生芻人。

三

吾賢當路者，聲名振華夏。朱輪玳瑁牛，紫鞵連錢馬。朝花  
舞風去，夜月窺窓下。想君貴易朋，居然應見捨。集本有此長韻一首



與前詩間有同處今全錄于此孺子貧而賤且非席上  
珍唯安萊蕪鮑蕪慕林宗中百年逢繼繼千里遇慙慙  
碩持江南蕙以贈生劬人思君欲何言中心亂如霧淚  
下非一端愁來誰有數子為馮敬通不成汲長孺千里  
無關梁安得王喬獲與君初相知不言異一宿意欲寒  
衣裳陰雲亂人目之子伏高卧伊予空杼軸無由度淇  
水見此瀟瀟竹可然異公子終自不敢言青松蔽南隴  
白雲生北園沉憂無人語默念空憑軒安得空持劔以  
報相知恩

贈任黃門二首

相如體英彥左右生容暉已紆漢帝組復解梁王衣經過  
雲母扇出入千門扉連洲茂杜若類聚作芳杜長山鬱翠微欲  
言終未敢默然獨依依

二

紛吾少馳騁自來之疑作乏名德白玉鏤衢鞍黃金馬腦勒

射鵬靈丘下驅馬虜一作虜鴈門北慙慙盡日華留連窮景黑

歲暮竟無成憂來坐默默

贈王桂陽

前人

松生數寸時遂為草所沒未見籠雲心誰知負霜骨弱幹  
可摧殘纖莖易凌忽何當數千尺為君覆明月

遙贈周丞

前人

巨石亂天涯雜樹鬱參差伯魯留蜀郡長房還葛陂練練  
波中月亭亭雲上枝高岑蔽人者無處得相知

贈柳秘書

前人

靡蕪與丹桂竒心復竒骨已蔽蒼龍門又影鳳凰闕紫雲  
依夜來清風扶晚發鴛鴦若上天寄聲謝明月



贈柳貞陽

前人

王孫清且貴築室疑芙蓉池羅生君子樹雜種女貞枝南  
窓帖雲母北戶映琉璃街書轆轤鳳坐水玉盤璃朝衣茱  
萸錦夜覆葡萄危聯翻驂赤兔窈窕駕青驪龍泉甚鳴利  
如何獨不知

贈朱從事

前人

我行欲何之千里尋膠漆長葭歷渚生踈蒲綠岸出裊裊  
能隨風離離堪度日客思已飄蕩相思復非一未得幸慙  
慙先作數行泣

日夕望江贈魚司馬

何遜

湓城帶湓水湓水縈如帶日夕望高樓一作城耿耿青雲外

城中多宴賞絲竹常繁會片聲已流悅絃聲復淒切歌黛  
慘如愁舞腰疑欲絕仲秋黃葉下長風正騷屑早鴈出雲  
歸故鷺辭簷別晝悲在異鄉夜夢還洛汭洛汭何悠悠起  
望登西樓的的帆向浦團團日隱洲誰能一羽化輕舉逐  
飛浮

贈顧倉曹

王僧孺

雒陽十二門樓闕似西崑曖曖呆魚下相望隔畫垣畫垣  
何阿閣棲鳳復棲鴛一作阿閣五曹均趨奏六尚等便煩  
朝爐何馥馥夜錦有餘温日中驅上駟驤首遍京宛長趨  
魏公子夕宿韓王孫宿昔今何在平生棄不論譬如卷菹  
草心謝葉空存誰傷類聚三承曉獨念九飛鳧作復



贈吳均三首

柳惲見藝文類聚

寒雲晦滄洲奔潮溢南浦相思白露亭未望秋風渚心知  
別路長不謂若燕楚關候日遼絕如何一作因附行旅願作  
野飛鳥飄然自輕舉

二

遠遊濟伊洛秣馬度清漳邯鄲饒美女艷色含春芳鼓瑟  
未成曲踏履類聚作復翱翔我本遊客子情愛在淮陽新  
知誰不樂念舊苦人腸

三

夕宿飛孤疑作孤關晨登磧礫坂形為戎馬倦思逐征旗遠  
邊城秋霰來寒鄉春風晚始信隴雪輕漸覺寒雲卷徃役

命所當念予加冷飯

贈王僧辯

朱超

故人愬連率方舟下漢池玉節交橫映金鏡前後吹聚圖  
匡漢業傾產救韓危昔時明月夜蔭羽切高枝冲天勢已  
遠控地力先疲各言獻捷後幾處泣生離

歸沐呈任中丞昉

時為著作郎

劉孝綽

步出金華省還望承明廬壯哉宛洛地佳麗實皇居虹蜺  
拖飛閣蘭芷覆清渠圓淵倒荷芰方鏡寫簪裾白雲夏峰  
盡青槐秋葉疎自我從人爵蟾兔屢盈虛殺青徒已汗司  
舉未云書文昌愧通籍臨邛幸第如夫君多敬愛蟠木濫  
吹嗟時時釋簿領騶駕入吾廬自嗤誠嘯硤無以儷璠璣



但願長閑暇酌醴薦焚

類聚作魚  
焚枯

古意送沈宏

已見二  
百五卷

前人

江津寄劉之遴

前人

與子如黃鵠將別先徘徊經過一柱觀出入三休臺

集作  
靈臺

共攜雲氣藻同舉霞文盃流人每曉逝

集作  
遊

禁門恒晚開

欲寄一言別高駕何由來

以詩代書別後寄贈

陸倕

余本水鄉士閉門江海隅時逢世道泰蹇足步高衢名成

官雖立效功日漸疎

一作効微  
功日疎

入仕乘肥馬出守擁高車

關門遊昔吏遷亭有故書江派資賢牧宗英出建旗不勞

王布鼓無賴露田車弼政非責實求名已課虛長卿病猶

在脩齡疾未祛詎知亭長肉寧挂府丞魚不能未能止肉

訟慙諸已僂俛從王事纚舟出淮渙朋故遠追尋暄宿清

江陰明旦一分手翻飛各異林歸舟隨岸曲猶聞歌棹音

行者日迢遠誰見別離心夕次列洲岸明登慈姥岑水流

多迴復余歸良未尋江關寒事早夜露傷秋草心縷姑蘇

臺目送邯鄲道葭葦日蒼蒼親知慎早涼劉兄消渴病休

攝戒無良般第癩眩疾行止避風霜劉侯有餘冷宜餌陟

釐方伏子多風咳門冬幸易將率更愛雅體體弱思自強

吏曹勉玉潤諷議勗金相比部多暇日奚用肆龍章建德

何爲者無隋疑無人鄉記室朋從暇露蝟附行商議曹坐

朝罷尺板嗣微疑芳雙棲成獨宿俱飛忽異翔眷言思親



友沉思結中腸追惟疇昔時朝府多歡暇薄暮塵埃靜飛  
蓋遙相迓李郭或同舟潘夏時方駕娛談終美景敷文求  
清夜促膝豈異人戚戚皆朋婣今日一乖離漼然心事差  
山川望猶近便似隔天涯玉躬子加護昭質余未虧八行  
思息勉一禮望來儀

贈吳筠

蕭子雲

欲知健少年本年最輕黠綠沉弓項縱紫艾刀橫拔誰持  
命要寵寧知敵可殺有功終不言明君自應察

還東田宅贈朋離

朱异

應生背芒說石子河阿一作文雖有遨遊羨終非沮溺群  
日余今卜築蕪以隔囂紛池入東陂水窓引北巖雲槿離

疑作集田鷺茅簷帶野氛原隰何遷迤山澤共氛氳蒼蒼  
松樹合耿耿樵路分朝興候崖曉暮坐極林暝憑高眺虹  
蜺臨下瞰耕耘豈直娛衰暮坐極林暝憑此句與上懷勞  
猶未弭獨有望夫君同疑有誤

贈陰涼洲

荀濟

副尉西域返伏波南海還坎壈多難構鬱快少騰遷孰云  
功未立寧是契不全直爲逢迎寡良由聽受偏若人本高  
絕芬馥邁蘭荃驅車趨折坂匡坐酌貪泉洗憤一作豈虛  
唱席皮良信然群醉嫉孤醒衆嗤恐獨妍龍旗翻委鬱鷓  
軸更迴遘鷓勢終橫海鵬力會冲天昔余遇知己一面深  
千祀紆人重結襪辱德逾過市詩酒悅風雲琴歌賞桃李



淹留漢水曲契闊渝川淚結綬准貢公推名實鮑子徒然  
懷伏劔終無報國士高懷不可忘劔意何能已已作金蘭  
契何言雲雨別咄嗟改容鬢俄頃彌年歲海曲窮地表江  
源渺天際雲泥已殊路擅涼詎同節柳絮函如絲梅花屢  
成雪月落桂陰遠風起萱條結鶴舞想低昂鷗絃夢清切  
聞君戍靈關瓜時猶未還數汎明月沼頻遊尚一作日灣  
金碧應髣髴輪鏡幾登攀復承西歸後將兵出湖口經過  
道路長往來日月久玉體何容歇金漿故應有陽臺可讌  
私章華堪置酒既彈趙人瑟復擊秦人缶缶瑟多可調秦  
趙饒姝妙得意在雙眸傾城猶一笑伯喈恩實早十柱天  
終少歿等盛姬傷存同魏車照君子篤久要宿昔盛賓僚

休依集鱗羽眷眷共枝條一朝限岐路萬里異波潮容儀

雖渺渺夢想尚昭昭新人不相識故人詎相憶杳杳間山

川迢迢阻意疑作音息各附青雲遠詎假排虛力風月接歡

宴酒醴承顏色安知暮倚者潏潏涕沾軼僕本不平人悲

愁眉亦頻年來空自老歲去不知春未能全體命於中欲

問津五噫如適越十上似遊秦肌膚積雲露鬢力倦風塵

烏裘日日故白髮朝朝新人生感意氣相知無富貴懷趙

實廉頗思燕唯樂毅傳選咆咻士廣慕嫖姚尉映月比刀

環瞻星看劔氣郢路一超遠長揪幾歡欵渤澥水尚寬崦

嵒日猶未丈夫志四海兒女多辭費待余濟濁河從君宿

清渭



贈司寇淮南公

庾信

危邦久亂德天策始乘機九河聞誓衆千里見連旂  
 纒亡垂棘返齊平寶鼎歸久弊風塵俗殊勞關塞衣  
 絆驥還千里垂鵬更九飛猶憐馬齒進應念節旄稀  
 迴軒入故里園柳始依依舊竹侵行<sub>何</sub>徑新桐益幾  
 圍寒谷梨應重秋林栗更肥美酒還參聖雕文本入  
 微促歌迎趙瑟遊絃召楚妃小人司刺舉明啟實濫  
 推南部治都尉軍謀假建威商山隱士石舟水鳳凰  
 磯野亭長被馬山城早掩扉傳呼擁絳節交戟映彤  
 闈遂令忘楚操何但食周薇三十六水變四十九條  
 非丹竈風煙歇年齡蒲柳衰同僚敢不盡疇日懼難  
 追

貽孔中丞奩

江惣

我行五嶺表辭鄉

初學記作卿

二十年聞鸞欲動詠披霧即依

然疇昔同寮案函

初學記作今

隨年代改借問藏書處唯君故

人在故人名宦高霜簡肅權豪誰知懷九歎徒然泣二毛  
 步出東郊望心游江海上寓物便今古何爲不惆悵初晴  
 原野開宿雨潤條枚叢花曙後發一鳥霧中來淹留蘭蕙  
 苑吟嘯芳菲晚忘懷靜躁間自覺風塵遠白社聊可依青  
 山乍採薇鍾茅乃得性語默豈同歸

鍾茅

集作鍾茅

遇長安使寄裴尚書

前人

傳聞合浦葉遠向洛陽飛北風尚嘶馬南冠獨不歸去人  
 自徒送離琴手自揮征蓬失處所春草屢芳菲太息關山



月風塵客子衣

去人集作去雲

贈賀左丞蕭舍人

前人

輜軒通八表，旌節鷺三秦。  
 聽歌猶敏對，繼好佇行人。  
 賀生思沉鬱，蕭弟學紛綸。  
 共有筆端譽，皆為席上珍。  
 離群徒悄悄，征旅日駢駢。  
 黃河分太史，一曲悲千里。  
 海內平生親，中朝流寓士。  
 痛哉憫祭祚，於焉三十祀。  
 鍾儀繫不歸，盛憲悲何已。  
 隴頭心斷絕，爾為叅生死。  
 迴首望長安，猶如蜀道難。  
 函關分地軸，華嶽接天壇。  
 行壇方境逝，去棹艤江干。  
 蘆花霜外白，楓葉水前丹。  
 翔鷗方怯一作怯下凍，落鴈不勝彈。  
 輝輝盛王道，時務嬰疲老。  
 九流倦耳目，千一作千卜年變懷抱。  
 何以敦岐路，凄然綴辭藻。  
 江南有桂枝，塞北無萱草。  
 斗酒未為

別垂堂深自保

境逝集作近

落鴈集作洛鴈

千年變集作變年



文苑英華卷第二百四十七 終

文苑英華卷第二百四十八

詩九十八

寄贈二

盧思道二首

楊素十七首

王胄二首

虞世基一首

陳子良一首

孫萬壽一首

陳政一首

王績二首

郭元振一首

蘇味道二首

贈劉儀同西聘

盧思道

開叩昔柔遠賓越盡招携豈若馳天

一作天王

使玉節撫遺黎

五詞

擬作祠

臨渭北雙嶺帶嶠西故關看金馬餘壇聽寶雞

垂絲被柳陌落錦覆桃蹊分袂俄易慘離思實

一作忽

難齋



極野雲峯合遙嶂日輪低塵暗前旌沒風長後騎嘶灞陵  
行可望函谷又無泥須君勞旋罷春草共萋萋

贈李若

前人

初發清漳浦春草正萋萋今留素滹曲夏木已成蹊塵起  
星橋外日落寶壇西庭空野煙合巢深夕羽迷短歌雖製  
素長吟當執珪寄語當窓婦非關惜馬蹄

贈薛播州十四首

楊素

在昔天地閉品物屬屯蒙和平替王道哀怨結人風麟傷  
世已季龍戰道將窮亂海飛群水一作亂流貫日引長虹  
千戈異革命揖讓非至公

二

兩河定寶鼎八水域神州函關絕無路京洛化爲丘漳滏  
連爾沼涇渭余別流生郊蒲戎馬涉路起風牛班荆疑莫  
遇贈縞竟無由

三

五緯連珠聚千載濁河清金亡潛虎質閨盡自蛙聲聖期  
依旦暮天祿啓炎精霧生三日重星飛五老輕禋宗答上  
帝改物創群生

四

道昏雖已朗政故猶未新剝舟洹水濟一作淇結網大川  
濱出遊迎釣叟入夢訪幽人植林雖各樹開榮豈異春相  
逢一時泰共幸百年身



有帛賁立園生芻自幽谷塵芳金馬路瀾清鳳池澳零露  
既垂光清風復流穆傾蓋如舊知彈冠豈新沐利心金各  
斷芬言蘭共馥

六

自余歷端揆緝熙慝時彥及爾陪帷幄出納先天睠高調  
發清音縟藻流餘絢或如彼金玉歲暮無凋變余松待爾  
心爾筠留我箭

七

荏苒積歲時契闊同遊處閭闔既趨朝承明還宴語上林  
隋羽獵甘泉待清署迎風合暑氣飛雨淒寒序相顧惜光

陰留情共延佇

八

滔滔彼江漢實爲南國紀作牧求明德若人應斯美高卧  
未褰帷飛聲已千里還望白雲天日暮秋風起峴山君儻  
遊淚落應無已

九

漢陰政已成嶺表人猶蠹借寇比方新還珠忽如故楚人  
結去思越倍歌來暮陽烏尚歸飛別鶴還迴顧君見南枝  
巢應思北風路

十

比風吹故林秋聲不可聽鴈飛窮海寒鶴唳霜臯淨含毫



心未傳聞音路猶憂唯有孤城月徘徊獨臨映吊影余自  
憐安知我疲病

十一

養病願歸閑君榮在知足棲遲茂陵下優游滄海曲古人  
情可見今人一作我遵路一作故躅荒居接野窮心物俱非俗  
桂樹方叢生山幽竟何欲

十二

所欲棲一枝稟分豐疑諸已園樹避鳴蟬山梁遇時雉野  
陰冒叢灌幽氣含蘭芷悲哉暮秋別一作晨霞春一作暮草  
復萋矣鳴琴久不聞屬聽空流水

十三

秋水魚遊日春樹鳥鳴時濠梁莫共往幽谷有相思千里  
悲無駕一見杳難期山河散瓊藥庭樹下丹滋物華不相  
待遲暮有餘悲

十四

銜悲向南浦寒色黯沉沉風起洞庭險煙生雲夢深獨飛  
時慕侶寡和乍孤音木落悲時暮時暮感離心離心多苦  
調詎假雍門琴

贈薛內史

前人

耿耿不能寐京洛久離群橫琴還獨坐停盃遂待君待君  
春草歇獨坐秋風發朝朝唯落花夜夜空明月明月徒流  
光落花空自芳別離望南浦相思在漢陽漢陽隔隴岑南



浦達桂林山川雖未遠無由得寄音

山齋獨坐贈薛內史二首

前人

居山四望阻風雲竟朝夕深溪橫古樹空巖卧幽石日出  
遠一作孤岫明鳥散空林寂蘭庭動幽氣竹室生虛白落花  
入戶飛細草當階積桂酒徒盈罇故人不在席薄暮山之  
幽臨風望羽客

二

巖壑清澄景景清巖壑深白雲飛暮色綠水激清音澗戶  
散餘彩山窓疑宿陰花草共榮映樹石相陵臨獨坐對陳  
榻無客有鳴琴寂寂幽山雨表誰知無悶心

為襄林婦贈夫歸

王胃

月淨閨偏冷更深夜轉長霜紈猶掩扇霧縠未飄香解帶  
慙連理引被媿鴛鴦誰能未相識還為守空牀

言反江陽寓目灞涘贈易州陸司馬 前人

遊人賣藥罷徐步反江干行吟一作疑眸灞陵岸迴首望長安

晨華照城闕參差復鬱盤千門含日麗萬雉映霞丹雲開  
承露掌吹動相風竿遊童輕薄少鮮服鷄鶉冠花開傅粉  
晏塵起副車韓屢投雙飛劍曾操兩色丸桂玉要遊女彈  
珠落矯翰信美非吾樂何事久盤桓欲勒一作動南征一作登  
詠還謠北上難眷言思故友德疑遠路漫漫燕陞望楚服

天際與雲端掉發吳濤上荆歌易水寒十年阻風月萬里  
別金蘭心期竟何許懷抱日摧殘容華冉冉謝衣帶朝朝



寬盛憲寧延壽劉琨自少歡宿昔均取捨同波豈異瀾贈  
言不盡意擲筆起長嘆

秋日贈王中舍

虞世基

秦關望吳苑渭渙去江濱天漢星躔絕山川地角分百年  
變朝市千里異風雲雙鴛難可贈別鶴不相聞忽值從遊  
士玳簪光素履歡言悅鄭郊雪泣悲燕市契闊論談笑慙  
勲訪生死思君在一方無由同四美尺素乃雲披投瓊慰  
九離雲開縹錦散霞照綠楊一作緹披相思歎河廣相望阻  
天垂贈言芳杜若握手一作以代萱枝伊昔風期早金蘭信  
爲寶去來金馬門留連鬪鷄道鷺嶺訪三禪商山追四皓  
勝地俱遊息披文述論討虛薄忝官聯喬木遂同遷濯纓

升傳望闊

一作飛

步入崇賢高軒照流水長劔聳秋蓮南風

忽不競東海遂成田喧喧狹斜路隱隱平陵樹鳳闕愛

疑

西臨尾橋耿南注五方多異俗四海皆行路士衡嗟苦辛

德璉傷流寓輦洛重行行寓目盡傷情太行臨北絳函谷

拒西京雀書圖久城龍文鼎遂輕凌雲餘構盡濛汜曲池

傾

一作平

徘徊殊未極惆悵空雲纓伊川忽會面留連展言

宴東西一背飛翻然成異縣哀哉人道促痛矣嗟埋玉徐

生顧影琴裴子飄風燭權

疑作權

茲激水意頓此浮雲足棄

置忽

疑作勿

重陳難終唯此曲漢陽趙元淑

後漢趙一字元淑漢陽人今作

非

薛縣雍門周清文寧解鬢妙曲反增愁翳翳神逾伏

慄慄歲方適雙嶠飛暗雨八水凍寒流蘭枯芳草歇槐古



憶前秋江干不可望徒此歎離憂

讚德上越國公楊素

陳子良

君侯稱上宰命世挺才英本超騏驥足復蘊風雲情擣藻  
揆錦綺育德潤璿瓊已踵四知舉非無三傑名濟世同舟  
檝匡政本阿衡雍容入青瑣肅穆侍丹楹桂宮擅鳴珮槐  
路獨飛纓高門羅虎戟綺閣麗彫甍金罇酌湛湛歌扇掩  
盈盈匈奴軼燕薊烽火照幽并天子命薄伐受脤事專征  
七德播雄畧十萬騁行兵鴈行蔽虜甸魚貫出長城交河  
方飲馬瀚海盛揚旌拔劍倚天外象犀耀日精彎弧穿伏  
石揮戈斬大鯨鼓鼙朝作氣刁斗夜便鳴六郡多壯士三  
邊豈足平嶺雲朝合陣山月夜臨營胡塵暗馬色芳樹動

笳聲關雲未盡散塞霧常自生川長蔓草綠峰迴雜花明  
小人愧王氏雕文慙馬卿濫此叨書記何以謝過榮高山  
徒仰止終是恨才輕

遠戍江南寄京邑親友

孫萬壽

賈誼長沙國屈原

隋書本傳作平

湘水濱江

一作東

南瘴癘地從來

多逐臣粵余非巧官少小

一作策少

拙謀身欲飛無假翼思鳴

不值晨誰言

隋書作如何

載筆士翻作負戈人飄飄如木偶棄

置同芻狗失路乃西浮非狂亦東走晚歲出函關方春度  
京口石城臨虎據天津望牛斗牛斗盛妖氛梟鏡已成群  
郝超初入幕王粲始從軍裹糧楚山際被甲吳江濱吳江  
亦浩蕩楚山何糾紛驚波上濺日喬木下臨雲繫越恒資



辯喻蜀幾飛文魯連唯救患唐彬不競勤晉書唐彬知孫

示不競今隋書作吾彥不爭勲按吾羣乃降將本傳無不爭功事未詳羣將至遲留以

搔首非關不樹萱豈為無杯酒數載辭鄉縣三秋別親友

壯志後風雲衰鬢先蒲柳心緒亂如絲空懷疇昔時昔時

遊帝里弱歲逢知己旅食南館中飛蓋西園裏河間本好

書東平唯愛士英辯接天人歡娛承帝子隋書作清鳳池言洞名理

時寓直麟閣嘗遊止勝地盛賓僚麗景相携招舟泛昆明

水騎指渭津橋板除臨灞岸供帳出東郊宜城醞始熟陽

翟曲新調遶樹鳥啼夜雒麥雉飛朝細塵梁下落長袖掌

中嬌留連三雅至隋書作權懷抱百憂銷夢想獨非隋書

如昨尋思久寂寥一朝牽世網萬里逐波潮迴輪常自轉

懸旅不堪搖山川想隋書作襟帶鄉關白雲外迴首望孤

城愁人益不平華亭宵鶴唳函隋書谷早鶯鳴斷絕心難

續倘恍蒐屢驚群紀通家契隋書鄒魯故鄉情儻隋書值

南飛鴈時希隋書訪死生

贈竇蔡二記室入蜀 陳政

崑山積良寶大厦構衆材馬卿委官去鄒子背淮來風流

信多羨朝夕豫平臺逸翮獨不群清才復道上六輔昔雄

名二江今振響漢書嚮英華雖外發磨琢終內朗四海奮

羽儀清風久播馳沉鬱材難厠青山翻易阻迴首望煙霞

誰知慕儔侶飄然不繫舟為情自可求若奉西園夜浩想

北園愁無因逐萍藻從爾泛清流



贈梁公

王績

我欲圖世樂斯樂難可常位大招譏嫌祿極生禍殃聖莫  
 若周公忠豈踰霍光成王已興誚宣帝如負芒一作相如芒  
 蠡何智哉單舟戒輕裝踈廣豈不懷策杖還故鄉朱門雖  
 足悅赤族亦可傷履霜成堅冰知足勝不祥我今窮家子  
 自言此見長功成皆能退自古集作在昔誰滅亡  
 薛記室收過莊見尋率題古意以贈前人

伊昔逢集作遭喪亂歷數適集作閏當餘豺狼塞衢路桑梓成  
 丘墟吾集作余及爾皆亡東西各異居爾為背風鳥背集作培我  
 為涸轍魚逮承雲雷後欣逢天地初東川集作州聊下釣南  
 畝試揮鋤資稅幸不及伏臘常有儲散誕時須酒蕭條懶

向書朽木不可雕短翮將焉攄故人有深契過我蓬蒿廬

曳裾集作履出門迎握手登前除相看非舊顏一作顏忽若非對接

集作忽若形骸踈追道集作悼宿昔事切切心相於憶我少年時

携手遊東渠梅李夾兩岸花枝何扶踈同志亦不多西莊

有姚徐嘗愛陶淵明酌醴焚枯魚嘗學公孫弘策杖牧群

猪追念甫如昨奄忽成空虛人生詎能幾歲歲集作蹇迫常不

舒賴有北山僧教我以真如使我視聽遺自覺塵累祛何

事須筌蹄今已得兔魚舊遊儻多暇同此釋紛拏

寄劉校書

郭元振

俗吏三年何足論每將榮辱在朝昏才微易向風塵老身  
 賤難酬知己恩御苑殘鶯啼落日黃山黃山功名也一作荒非細雨



濕歸軒迴望漢家丞相府昨來誰得掃重門

贈封御史入臺

蘇味道

故事推三獨茲辰對兩闌夕鴉共鳴舞屈草接芳菲盛府  
題青橐殊章動綉衣風連臺閣起霜就簡書飛壤壤當朝  
色行行滯路威唯當擊隼去復覩落鴻集作歸

在廣州聞崔馬二御史並拜臺郎 前人

振鷺齊飛日遷鶯遠集作達聽聞明光共待漏清覽各披雲

喜得廊廟舉嗟爲臺閣分故林懷栢悅新握集作幄阻蘭薰

冠去神羊影車連瑞雉群遠從南斗外遙仰列星文

文苑英華卷第二百四十八

文苑英華卷第二百四十九

詩九十九

寄贈三

盧照隣六首

駱賓王三首

杜淹一首

陳子昂五首

喬知之 一首

李嶠三首

李乂二首

崔湜一首

杜審言三首

宋之問一首

李適一首

徐彥伯二首

贈益府羣官

盧照隣

一鳥自北燕飛來向西蜀單棲劔門上獨舞岷山足昂藏  
多古貌哀怨有新曲羣鳳從之遊問之何所欲答言寒鄉



子飄飄萬餘里不息惡木枝不飲盜泉水常思稻梁遇願  
棲梧桐樹智者不我邀愚夫余不顧所以成獨坐耿耿歲  
云暮日夕苦風霜思歸赴洛陽羽翻毛衣短關山道路長  
明月留客思白雲迷故鄉誰能借風便一舉凌蒼蒼

山行寄劉李二叅軍

前人

萬里煙塵客三春桃李時事去紛無限愁來不自持狂歌  
欲道一作鳳失路反占龜草礙人行緩花繁鳥度遲彼美  
叅卿事留連求友詩安知倦遊子兩鬢漸如絲

贈益府裴錄事

前人

忽忽歲云暮相望限風煙長歌欲對酒危坐遂停絃停絃  
變霜露對酒懷朋故朝看桂蟾晚夜聞鴻鴈度鴻度何時

還桂晚不同攀浮雲映丹壑明月滿青山青山雲路深丹

壑月華臨耿耿離憂積空令星鬢一作髮一作侵

首春貽京邑文士

前人

寂寂罷將迎門無車馬聲橫琴答山水披卷閱公卿忽聞  
歲云晏倚杖出簷楹寒辭楊柳陌春滿一作別鳳凰城梅花  
扶院吐蘭葉遶堦生覽鏡改容色藏書留姓名時來不假  
問生死任交情

于時春也慨然有江湖之思寄贈柳九隴 前人

提琴一萬里負書三十年晨攀偃蹇樹暮宿清冷泉翔禽  
鳴我側旅獸過我前無人且無事獨酌還獨眠遙聞彭澤  
宰高弄武城絃形骸寄文墨意氣託神仙我有壺中要題



爲物外篇將以貽好道道遠莫致旃相思勞日夜相望阻  
風煙坐惜春華晚徒令客思懸水去東南地氣凝西北天  
關山悲蜀道花鳥憶秦川天子何時問公卿本亦憐自哀  
還自樂歸藪復歸田海屋銀爲柱雲車電作鞭儻遇鸞將  
鶴誰論貂與蟬萊洲頻度淺桃實幾成圓寄言飛鳧鳥歲  
晏同聯翩

至望喜矚目言懷貽劍外知己 前人

聖圖夷九折神化掩三分緘愁赴蜀道題拙奉虞薰隱麟  
度深谷遙裔上高雲碧流遞榮疑作注青山互糾紛澗松  
咽風緒巖花濯露文思北常依馭圖南每喪羣無由召宣  
室何以答吾君

在江南贈宋五之問

駱賓王

井絡雙源潯潯陽集作陽侯九派長輪波集作淪波通地穴委輸下

歸塘別島籠朝蜃連洲擁夕陽集作漲韞珠溢集作成積潤讓

壁動浮光浮光凝析木一作折木積潤踈圓吐玉輪涵地開劍

閣一作匣連星起風煙標迴秀英靈信多美懷德踐遺芳端

操慙謀已謀已繆觀光牽跡強棲遑揆拙迷三省勞生暗

集作味兩忘彈隨一作冠空被笑獻楚自多傷一朝殊語默千

里異一作易炎涼炎涼幾遷貿水川一作川陸疲臻湊積水架

吳濤連山橫楚岫風月雖殊昔星河猶是舊姑蘇望南浦

邛鄞通北走北走平生親南浦別離津蕭湘一超忽洞庭

多苦辛秋江無綠芷寒汀有白蘋采采集作之將何遺故人



漳水濱漳濱已遼遠江潭未旋返為聽短歌行當憶集作

長洲苑露金薰菊岸風珮搖蘭坂蟬鳴稻葉秋鴈起蘆花

晚秋天集作雲日明亭臯風露清獨負平生氣重集作牽

搖落情占星非聚德夢月詎懸名寂寥傷楚奏悽斷泣秦

聲秦聲懷舊里楚奏悲無已郢路少知音藜臺富奇士温

輝凌愛日壯氣驚寒水一顧重風雲三冬足文史文史盛

紛綸京洛多風塵猶輕一作五車富未重一囊貧李仙非

集作悲易託蘇鬼曲集作尚難因不惜勞歌盡誰為聽陽春

在軍中贈先還知己 前人

蓬轉俱行役瓜時獨未還竟迷金闕路望斷玉門關獻凱

多慙霍論封幾謝班風塵催白首歲月損紅顏落鴈低秋

塞驚鳧起暝灣胡霜如劍鏑漢月似刀鐮別有集作邊亭

樹相思幾度攀

早秋出塞寄東臺詳正學士

促駕踰三水長驅望五原天階集作街分斗極地理接樓煩

漢月明關隴戎集作雲聚塞垣山川殊物候風壤異涼暄

集作温戍古秋塵合沙寒宿霧繁昔余迷學步投跡忝詞源

蘭渚浮延閣蓬山欵禁園影纓陪綬冕載筆偶璵璠汲冢

寧詳蠹秦牢詎辯冤一朝從匪集作籠服千里鶩輕軒鄉夢

隨鳧斷邊聲入聽喧南圖終鍛集作翮北上遽摧轅弔影

慙連茹浮生倦觸藩數奇何以託桃李自無言

寄贈齊公

杜淹



冠蓋遊梁日詩書同志年佩蘭長坂上攀桂小山前結交  
淡若水履道直如弦此觀終未極於茲獨播遷頽衣登蜀  
道白首別秦川淚隨溝水逝心逐曉旌懸去去逾千里悠  
悠隔九天郊野間長薄城闕隱凝煙關門共月對山路與  
雲連此時寸心裏難用尺書傳

入東陽峽與李明府船前後不相及 陳子昂

東巖初解纜南浦遂離群出沒同洲島棲泊異汀濱風湮  
猶可望歌笑浩難聞路轉青山合峯迴白日曛奔濤上漫  
漫積浪集作水下泐泐倏忽猶疑及差池復兩分離離開集作  
間遠樹藹藹沒遙氛地入巴陵道星連牛斗文孤欲啼寒  
月哀鴻叫斷雲仙舟不可見搖集作遙思坐氛氲

贈嚴倉曹乞推命錄

前人

少學縱橫術遊楚復遊燕棲遑長委命富貴未知天聞道  
沉冥客青囊有秘編集作篇九宮探萬象三筭極重玄願奉  
唐生訣將知躍馬年非同墨翟問空滯殺集作至龍川

度峽口山贈喬補闕知之王二無競 前人

峽口大漢南橫絕界中國叢石相集作何紛糾赤山復翕絕  
遠望多衆客逼之無異色摧集作崔率乍孤斷逶迤屢回直  
信關胡馬衝亦拒漢邊塞豈依集作伊山河險將順休明德  
物壯誠有衰勢高集作雄良易極邈迤忽而盡決漭平不息  
之子黃金軀如何北集作此荒域雲臺盛多士待君丹墀側

贈趙貞固二首

前人



回中烽火入塞上追兵起此時邊朔寒登隴思君子東顧望漢京南山雲霧裏

二

赤螭媚其彩集作形婉孌蒼梧泉昔者琅琊子躬耕亦愷集作

慨然美人豈遐曠之子乃前賢良辰在何許白日屢頽遷

道心固微密神用無留連舒可彌宇宙攬之不盈拳蓬茅

集作高又蕪沒金石徒精堅良寶委短褐閑琴獨嬋娟

擬古贈陳子昂

喬知之

惇惇孤形影悄悄獨遊心以此從王事常與子同衾別離

三河間征戰二庭深一作延陰胡天夜雨露胡鴈晨南翔節物

感離別一作居同衾違一作還故鄉南歸日將遠北方尚蓬飄

孟秋七月時相送出外郊海風吹涼木邊聲暗一作響梢梢

勤役千萬里將臨五十年心事為誰道抽琴歌坐筵一彈

再三歎賓御涕潏潏送君竟此曲從茲長絕絃

此詩二百六卷重出今已削去注異同為一作

扈從還洛呈侍從群官 李嶠

四海帝王家兩都周漢室觀風昔來幸御氣今旋蹕雷奮

疑六合開天行萬乘出玄冥奉時駕白矩參戎律後隊咽

節聲前驅嚴罕畢輝光射東井禁令橫西秩帳殿別陽秋

旌門臨甲乙將交洛城雨稍遠長安日却鞏雲外來咸秦

霧中失孟冬霜霰下是日農功畢天道向歸餘皇情羨陰

隲行在名岳禮述問高年疾祝鳥既開羅調人更張瑟登



源疑采謳頌俯谷求才術邑罕懸磬貧山無挂瓢逸垂恩  
淡寰宇展義該文質德澤盛軒遊哀矜深禹恤申歌地廬  
駭獻壽衢樽溢瑞色抱氤氲寒光變蕭颺宗枝旦與輔侍  
從王劉疋並緝蛟龍書同簪鳳凰筆陶甄荷吹萬里歸一作  
頌婦又歎明一歡與道路長顧隨談笑密叨應廊廟選謬  
作發婦菴夔龍弼喜構大厦成慙非隆棟吉

晚景帳然簡二三子

前人

楚客秋悲動梁臺夕望餘梧桐稍下葉山桂欲開花氣引  
迎風露光收向晚霞長歌白水曲空對綠池華

田假限疾不獲還莊載想田園兼思親友贈杜幽素  
遊宦勞牽網風塵又化衣迹馳東苑路望阻北巖扉及此

乘休告聊將狎遁肥十旬俄委疹一作疾三逕且殊歸茂陵

宵難即一作仰靈臺覽可依疲痾旅城寺延想屬郊畿夕夢

園林是晨瞻邑里非綠疇良已穢清濠曠不追野花何處

落山月幾秋暉彼美符商致一作政優遊絕漢機高情物累

遣逸氣煙霞飛樂道方無悶懷賢獨有違樽虛舊園酒琴

靜故人徽夏沼蓮初發秋田麥稍稀何當携手去歲暮一作

日採芳菲

此詩三百十七卷重出今已削去注異同為一作

寄胡皓時在南中

李义見集本

徃役苦流滯風波限沂洄江流通地骨山道繞天台有鳥  
圖南去無人自北來閉門滄海曲雲霧待君開



招諭有懷贈同行人

前人

遠遊冒艱阻深入勞存諭春去辭園門秋還在一作邊戍

軒車行未返節序催難駐陌上悲轉蓬園中想芳樹蜀山

自紛糾岷水恒奔注臨泛多苦懷登攀寡歡趣未夕飛淫

雨崇朝蒸毒霧不求綏嶺桃寧美叩鄉蒟白浪行欲靜駘

馬何常驅唐韻區遇切集者未知此音或改願接軺旆

塵聯翮東北鷺

襄陽早秋寄岑侍郎

崔湜

江城秋氣早旭旦坐南闌落葉驚衰鬢清霜換旅衣時來

矜早達事往覺前非體道徒推理防身終昧微故人金華

省肅穆秉天機誰念江漢廣蹉跎心事違

贈蘇味道

杜審言

北地寒應苦南庭戍未歸邊聲亂羌笛朔氣卷戎衣雨雪

關山暗風霜草木稀胡兵戰欲盡漢卒尚重圍雲靜妖星

落秋深塞馬肥據鞍雄劔動挿筆羽書飛輿駕還京邑朋

遊蒲帝畿方期乘集作獻凱歌舞共春輝

贈崔融

前人

十年俱薄宦萬里各他方雲天斷書札風土異炎涼太息

幽蘭紫芳歌竒樹黃日疑懷叔度夜似憶真長北使從江

左東歸在洛陽相逢慰疇昔相對叙存亡草深窮巷敗集

毀竹盡故園荒雅集作節君彌固衰顏余自傷人事盈虛

改交遊寵辱妨雀羅爭去翟鶴斃競尋王思極歡娛至明



情詎可忘連騎追佳賞城中及路傍琴樽行宴席巖沼卧  
詞場三川宿雨霽四月晚花芳復此開懸榻寧唯入後堂  
興酣雒雒舞言洽鳳凰翔高選俄遷職嚴程已飭裝撫躬  
街道義携手戀輝光玉振先推美金銘舊所防勿嗟離別  
易行役共時康

贈蘇綰書記

前人見集本

知君書記本翩翩為許從戎赴朔邊紅粉樓中應計日燕  
支山下莫經年

入崖口五渡寄李適

宋之問

抱琴問一作登集作經絕壑棧木泝清川路奇一作極意謂盡勢廻  
趣轉綿人遠草木秀山深雲景鮮余負海岳情自惜微尚

年一作然彌曠十餘載今來宛仍全未窺仙源極獨進野人

船時攀乳竇憇屢薄天窓眠夜絃響松月朝檝弄苔淵一作

泉固冥物一作因冥象外理求謝區中緣碧潭可遺老丹砂堪

學仙莫使馳光暮空令龜鶴憐一作皆文集本

答宋十一崖口五渡見贈 李適

聞君訪遠山躋險造幽絕耿然青雲境觀奇彌年月登嶺  
亦泝溪孤舟事泐越崿嶂傳彩翠崖磴互歌缺石林上攢

聚一作叢金澗下明滅捫壁窺丹井梯苔瞰乳穴忽枉巖中

贈對玩未嘗輟慙獨徃事委曲練一作鍊藥說迨一作邀予

名山期從爾泛海滢歲晏秉宿心斯言非徒設一作皆文集本

和李適答宋之問 徐彥伯



聞有獨徃客拂衣捐世心結欣薄枉渚撰念縈舊林經亘  
去崖合冥綿歸壑深琪樹環碧彩金潭生翠陰洄公弄沙  
榜詭仄眺明岑夕聞桂裏猿曉玩松上禽雜珮蘊孤袖瓊  
敷綴雙襟文粹作矜我懷滄洲想懿爾白雲吟秉願理方協存  
期迹易尋茲言庶不負為報巖中琴

贈劉舍人古意

前人

女牀聞

初學記作閼

靈鳥文章世所稀巢君碧梧樹舞君青瑣

闈或言鳳池樂撫翼更西飛鳳池環禁林仙閣靄沉沉璇  
題激流日珠網綿清陰郁穆帝言重熒煌台座深風張冊  
虬翻月弄紫庭音衆彩結不散孤英歧莫尋浩歌向蘭渚  
婉孌故傳心



文苑英華卷第二百四十九

文苑英華卷第二百五十

詩一百

寄贈四

張說三首

蘇頲二首

張九齡二首

裴耀卿一首

李林甫一首

徐仁友一首

王翰一首

蔣煥一首

張子容三首

王維八首

孟浩然八首

高適五首

盧象二首

崔顥一首

祖詠三首

丁仙芝二首

蔡希寂一首



贈崔公

張說

我聞西漢日四老南山幽長歌紫芝秀高卧白雲浮朝市

集作野光塵絕榛蕪年貌秋一朝驅駟馬連袂入龍樓昔遁

高皇去今從太子遊行藏唯聖節禍福在人謀卒能匡惠

帝豈不賴留侯事隨年代遠名與圖籍留平生欽厚德慷

慨景前脩蚌蛤想集作同非陰兔蛟龍望斗牛無嗟異飛伏同

氣幸相求

岳州贈廣平公宋大夫

前人

亞相本時英歸來復國禎疑朝推長孺直野慕隱之清傳

節迴集作還閩障皇華集作思入漢京寧思江上老歲晏蹇無

成

南中贈高六戩

前人

北極辭明代南溟宅放臣丹誠由義盡白髮帶愁新烏墮

炎州氣花飛洛水春平生歌舞席誰憶不歸人

閑園即事寄集作贈常侍御

蘇頲

結廬東城下直望終南山青靄遠相接白雲來復還拂筵

紅蘚上開幔綠條間物應春偏好情忘趣轉閑憲臣饒美

政集作度聯事惜徂顏有酒空盈酌高車不可攀

贈彭州權別駕

前人

雙流脉脉錦城開追踐年年往復迴抵道謠謠迎半刺徒

聞禮數揖中台黃鸞急轉春風盡斑馬長嘶落景催莫愴

分飛岐路別還當奏最掖垣來



當塗界寄裴宣州

張九齡

故人宣城守亦作

集作

江南何如偏分虎竹相與間山川

章綬胡爲者形骸非自然含情津渡闊待

集作

望眼空情

集作

遠近聞佳政平生仰大賢推心徒有屬會面良無緣

日夕

集作

遵前渚江村投暮煙念行祗意默懷遠豈言宣

委曲風波事難爲尺素傳

贈澧陽常明府

前人

君有百鍊刃堪斷七重犀誰開太阿匣特割武城雞竟與

尚書佩還應天子提何時遇操柄

集作

當使玉如泥

敬酬當塗界留贈之作

裴耀卿

附見張九齡集

茂先寔王佐仲舉信時英氣觀衝天發人將下榻迎珪符

肅有命江國遠徂征九派期方越千鈞或所

集作

輕高帆

出風迴孤嶼入雲平遄邁嗟予役離憂空自情飭簪陪早

歲接壤厠專城曠別心彌軫宏規義轉傾徒然限饑渴仍

况

集作

况乃諷瑤瓊

秋夜望月憶韓庶等諸侍郎因以投贈 李林甫

秋天碧雲夜明月懸東方皓皓庭際色稍稍林下光桂花

澄遠近壁影散池塘鴻鴈飛難度關山曲易長揆予秉孤

直虛薄忝文昌握鏡慙先照持衡媿後行多才衆君子載

筆久詞場作賦推潘岳題詩許謝康常時陪宴語今夕恨

相望願欲接高論清晨朝建章

古意贈孫翌

徐仁友



南望緱氏山一作嶺山居共澗陰東西十數里緬邈方寸心

雲日落廣庭一作夏鸞花坐一作對孤琴琴中多苦調悽切誰

復尋

贈唐祖二子

王翰

鴻飛遵在渚鹿鳴思故群物情尚勞愛况乃予別君別時  
花始發別後蘭再薰瑤觴滋白露寶瑟凝涼氛徘徊北林  
月悵望南山雲雲月眇千里音徽不可聞

途次維揚望京口寄白下諸公

蔣煥

北望情何限南行路轉深晚帆低菡葉寒日下楓林雲白  
蘭陵渚煙青建業岑江天秋向盡無處不傷心

贈司勳蕭郎中

張子容

作相開黃閣為郎奏赤墀君臣道合體父子貴同時國以  
推賢答家無內舉疑鳳池真水鏡蘭省得華滋未覩風流  
日先聞所賦詩江山清謝眺花木媚丘遲吏部來何暮王  
言念在茲丹青無不可霖雨亦相期昔我投荒處孤煙望  
島夷群鷗終日狎落葉數年悲漁父留歌詠江妃入興詞  
今將獻知己相感勿吾欺

永嘉即事寄贛縣袁少府瓘

前人

山繞樓臺出溪通里閤斜曾為謝客郡多有逐臣家海氣  
朝成雨江天晚作霞題書報賈誼此濕似長沙

樂城歲日贈孟浩然

前人

土地窮甌越風光肇建寅插桃銷瘴癘移竹近堦墀半是



吳風俗仍為楚歲時更逢習鑿齒言在漢川湄  
苑舍人能書楚字兼達楚音曲盡其妙戲贈

王維

名儒待詔滿公車才子為郎典石渠蓮華法藏心懸悟貝  
葉經文手自書楚集作楚非詞共許勝楊馬楚字何人辯魯魚  
故舊相望在三事願君莫厭承明廬

獻始興公時拜右拾遺

前人

寧棲野樹林寧飲澗中集作水流不用坐梁肉崎嶇見王侯  
鄙哉匹夫節布褐將白頭任智誠則短守仁固其優側聞  
大君子安問黨與讐所不賣公噐動為蒼生謀賤子跪自  
陳可為帳下不感激有公議曲私非所求

贈裴迪

前人

風景日夕佳與君賦新詩澹然望遠空如意方支頤春風  
動百草蘭蕙生我籬曖曖閨日暖集作日暖閨田家來致詞欣  
欣春還臯淡淡水生陂桃李雖未開萸英集作萸滿芳枝請  
君理還策敢告將農時

入山寄城中故人

一作終山別業

前人

中歲頗好道晚家南山陲興來每獨往勝事空自知行到  
水窮處坐看雲起時偶然值林叟談笑無還期

此詩三百十八卷重出今已削去注異同為一作贈

崔錄事

前人

解印歸田里賢哉此丈夫少年曾任俠晚節更為儒遁迹



集作世東山下因家滄海隅已聞能狎鳥余欲共乘桴

贈成文學

前人

寶劍千金裝登君白玉堂身為平原客家有邯鄲倡使氣  
公卿坐論交集作心遊俠場中年不得意集作志謝病客遊梁

酌酒與裴迪

前人

酌酒與君君自寬人情翻覆似波瀾白首相知猶按劍朱  
門先達笑彈冠草色全輕集作經細雨濕花枝欲動春風寒  
世事浮雲何足問不如高卧且加餐

田家贈丁寓

集作丁寓田家有贈

前人

君心尚棲隱久欲傍歸路在朝每為言解印果成趣晨雞  
鳴隣里群動從所務農夫行餉田閨妾起縫素開軒御衣

服散帙理章句時吟招隱詩或製閑居賦新晴望郊郭日

映桑榆暮蔭

集作陰

盡小苑城微明渭川樹揆予宅間井幽

賞何由屢道在終不忘跡異難相遇此時惜別離再來芳  
菲度

望洞庭湖上張丞相

集作岳陽樓三百十卷重出今已削去孟浩然

八月湖水平涵虛混太清氣蒸雲夢澤波動岳陽城欲濟

無舟楫端居耻聖明坐憐

集作觀

垂釣叟

集作者

徒

集作空

有羨

魚情

書懷貽京邑同好

前人

惟先自鄒魯家世重儒風詩禮襲遺訓趨庭露末躬晝夜  
常自強詞翰頗亦工一作攻三十既成立吁嗟命不通慈親



向羸老喜懼在深衷其脆朝不足簞瓢夕屢空執鞭慕夫  
子捧檄懷毛公感激遂彈冠安能守固窮當途訴知己投  
刺匪求蒙秦楚邈離異翻飛何日同

答秦中苦雨思歸贈袁中丞賀侍御

前人

為學三十載閉門江漢陰明啟逢集作明賢遭聖代羈旅屬秋

霖匪集作直昏墊苦亦為權勢沉二毛催白髮百鎰罄黃

金淚憶峴山墜集作愁懷襄水深謝公積憤懣莊舄空謠

吟躍馬非吾事狎鷗真我心寄言當路者去矣此山岑

與崔二十一遊鏡湖寄包賀二子

前人

試覽鏡湖物中流見集作底清不知蓴鱸集作味但見集

識鷗鳥情帆得樵風送秦逢穀雨晴將探夏禹穴稍背越

王城府集作掾有包子文章推賀生滄浪醉後集作唱因

子集作寄同聲

贈蕭少府 前人

上德流如水安仁道若山聞君秉高節而集作得奉清顏

鴻漸昇台羽一作牛刀列下班處臆能不潤居劇體常閑

去訐集作人無諂除邪吏息姦欲知清與潔明月在澄灣

九日龍沙作寄劉丈 前人

龍沙豫章北九日挂帆過風俗因時見湖山發興多客中

誰送酒棹裏自成歌竟自乘流去滔滔任夕波

寄正字 前人

正字芸香閣經過宛如昨幽人竹素園文選張景陽雜歸詩遊思竹素園



卧寂無喧高鳥能擇木羝羊屢集作觸藩物情今已見徒自集作欲無言從此

秋登萬集作山寄張五前人

北集作山白雲裏隱者自怡悅相望始集作登高心隨鴈此

飛城集作愁因薄暮起興是清秋集作發時見村人逐鳥城

歸集作沙平集作渡頭歌天邊樹若薺江畔舟集作如村人

月何當載酒來共醉重陽節

古樂府飛龍曲留上陳左相即陳希烈高適兼李右相

德以精靈降時膺夢寐求蒼生謝安石天子富人侯樽俎

資高論巖廓揖大猷卿才傳世業相府盛嘉謀集作相門連戶

族嗣考豁達雲開景集作清明月映秋能為吉甫用集作更頌

忝集作子房籌戶牖集作思攀陟門欄尚阻脩高山不易善用

仰大匠本難投迹向集作松喬合心緣啓沃留公才山吏與

部書癖杜荆州幸沐千年聖何辭一尉休折腰知寵辱迴

首見沉浮天地莊生馬江湖范蠡舟逍遙堪自樂浩蕩信

無憂去矣從黃綬歸歟任白頭風塵與霄漢瞻望日悠悠

奉贈集作李右相林甫前人

風俗登淳古君臣揖大庭深沉謀九德密勿契千齡獨立

調元氣清心豁宵冥本枝連帝系長策冠生靈傳說明殷

道蕭何律漢刑鈞衡持國柄柱石惣朝經隱軫江山藻氛

盪鼎鸞銘典中皆潔白集作身外盡丹青江海呼窮鳥詩白雪

書問聚螢吹噓成羽翼提握動芳馨倚伏悲還笑昇沉醉



復醒恩榮初就列含育泰宵形有竊丘山惠無時枕席寧  
壯心瞻落景生事感流萍莫以才難用終期善易聽未爲  
門下客徒謝少微星

贈杜拾遺

前人附見杜甫集

傳道招提客詩書自討論佛香時入院僧飯屢過門聽法  
還應說集作難尋經剩欲翻草玄今已畢此後更何言

東平留贈狄司馬

前人

古人無宿諾茲道未集作以爲難萬里赴知己一言誠可歎

馬蹄經月窟劔術指樓蘭地出北庭盡城臨西海寒森然  
瞻武庫剛若弄儒翰入幕綰銀綬乘軺兼鉄冠練兵日精  
銳殺敵無遺殘獸捷見天子論功倖可汗激昂丹墀下顧

盼青雲端誰謂縱橫策翻爲權勢干將軍既坎壈使者亦  
辛酸耿介揖三事羈離從一官知君不得意他日會鵬搏

寄孟五少府

前人

秋氣落窮巷離憂兼暮蟬後時已如此高興亦徒然知君  
念淹泊憶我屢周旋征路見來鴈歸人悲遠天平生各千

里集作感相望在貞堅

贈張員外

盧象見集本

公家世業昌才子冠裴王出自平津邸還爲吏部郎神仙  
餘氣色列宿動暉光夜直南宮靜朝趨北禁長時人窺水  
鏡明主賜衣裳翰苑飛鸚鵡天池待鳳凰承欣疇日顧未  
記後時傷去去圖南遠微才幸不忘



贈程校書

前人見集本

客自岐陽來吐音若鳴鳳孤飛果不偶獨立誰見用忽從  
被褐中召入承明宮聖人借顏色言事無不通慤慤拯黎  
庶感激論諸公時相猜賈誼圖書歸馬融顧余久寂寞一  
歲麒麟閣且共歌太平勿嗟名宦薄

贈王威古

崔顥

三十羽林將出身常事邊春風吹淺草獵騎何翩翩插羽  
兩相顧鳴弓新或作上弦射麋入深谷飲馬投荒泉馬上  
共傾酒野中聊割鮮相看未及飲雜虜寇幽燕烽火去不  
息一作不胡山或作高際天長驅救東北轉或作戰解城  
全一作戰解報國行赴難古來皆共言一作

此詩三百四十卷重出今已削去注異同為一作

贈苗發員外二首

祖詠

朱戶敞高扉青槐礙落暉八龍乘慶重三虎地集作朝歸  
坐竹人聲絕橫琴鳥語稀花慙潘岳貌年稱老萊衣葉暗  
朱櫻熟絲長粉蝶飛應憐魯儒賤空與故山違

二

宿雨朝來歇空山天氣清盤雲雙鶴下隔水一蟬鳴古道  
黃花落平蕪赤燒生茂陵雖有病猶得伴君行

蘭峰題贈張中丞九臯

前人見集本

羣羊既巡狩輦道入秦京遠樹低槍壘孤山出幔城寒暄  
清禁漏夜警羽林兵誰念迷方客常懷魏闕情



贈朱中書

十年種田濱五湖十年遭澇盡爲蕪頻年井稅常不足今年緡錢誰爲輸東鄰轉穀五之利西鄰販繒日已貴而我守道不遷業誰能肯敢效此事紫微侍郎白虎殿出入通籍廻天眷晨趨綵筆栢梁篇書出雕盤太官膳會應憐爾君素約可即長年守貧賤

戲贈姚侍御

前人

繁霜曉暮鳴栢烏侍子獸炭燃金爐重門啓鎖紫髯胡新被駉馬隴西駒頭戴獬豸急晨趨明光殿前見天子今日應彈佞倖夫

贈張鏡微

蔡希寂

大河東北望桃林雜樹冥冥結翠陰不知君作神仙尉特訝行來雲霧深







